

瘍醫大全目錄

卷二十八

諸瘋部

油風門主論 附方

痛風門主論 附方

癩瘍風門主論

紫白癩瘋門主論 附方

大痲瘋門主論 附方



瘍醫大全卷二十八

蕪湖顧世澄練江氏纂輯

增錢之相東陽

全校

男 柵煖用和

諸瘋部

自油風痛風起至癩瘋痲瘋止皆彙於此部中以俟

檢閱參治

油風門主論

陳實功曰油風是血虛不能隨氣榮養肌膚故毛髮
根枯脫落成片皮膚光亮癢如蟲行此皆風熱乘
虛攻注而然治以海艾湯洗之

正宗

心法曰此證毛髮乾焦成片脫落皮紅光亮癢如蟲
行俗名鬼剃頭由毛孔闕張邪風乘虛襲入以致
風盛生燥不能榮養毛髮如躄延年久宜針砭其
光亮之處出去紫血毛髮庶可復生宜用神應養
真丸以治其本外以海艾湯洗之以治其標

油風門主方

海艾湯

油風血虛風熱所致皮膚光亮眉髮脫落者

海艾

薄荷

藁本

蔓荊子

藿香

甘松

菊花

防風

荊芥

各二錢

用水五六碗同藥煎數滾連渣共入瓶口鉢內

先將熱氣薰面候湯溫蘸洗之留藥照前再洗

油風面上及身上俱有不知痛癢

莊嶽宜

當歸 四兩

胡麻 研碎

大生地 銅刀切片

玉竹 各一兩

川芎 五錢

僵蠶 炒研

白蒺藜 炒去刺

石菖蒲

牡丹皮

荆芥

防風

白芷

赤芍藥 各兩

右剉片散藥入壘火酒五觔拌勻封壘口如飲

時對陳無灰酒飲服此三料無不全愈

神應養真丸

熟地 酒蒸搗膏

當歸

天麻

羌活


宣木瓜

川芎

鬼絲餅

白芍

蜜丸每服百丸鹽湯或酒服



湯醫方全
卷之...

五

痛風門主論

林氏曰或問痛風一症係血虛耶血熱耶熱極生風耶抑風邪客於經絡爲痛耶其症與痛痺同耶異耶其痛流走不定者風耶火耶其痛多在經絡關節之間者筋病耶骨病耶死血爲病耶痛甚於夜而減於晝者何也輕則三日一移動重則七日一移動者何也甚有痛久而傳爲痿痺者又何也答曰痛者氣滯血凝經絡爲之阻塞而不通也風者善行而數變乃流走不定之義也蓋風寒濕三氣

客於經絡血脈之中未經疎散則鬱久生熱熱極
化火而更兼風變其性流走不定伏行於周身經
絡血脈之間是爲病原自後或因營衛之氣血偶
有阻滯於經絡關節之處則此風熱亦因之停阻
欲行不行遂至浮腫而痛屈伸亦爲之不利或兩
三日或五七日此處血氣已通而別處復有稽留
則痛亦移換至於衛氣晝則行於陽分之表而營
氣亦易運故痛緩夜則衛氣歸陰營氣不行其血
脈凝澁而痛甚故此症當責之肝家血少血熱木

燥火炎而虛風復從火化也蓋肝藏血肝主筋凡
關節皆經脉之總會血虛既不能滋養筋脉而風
火反因之阻於脉絡於是浮腫而熱浮屬風熱屬
火腫爲氣血阻碍每逢濕熱盛行則發實非筋骨
與死血爲痛也若云筋骨死血其痛定在一處焉
能三日七日移換哉此實肝經無形之風熱爲病
蓋風熱屬火所以善走若寒與濕則又當始終痛
於一處矣雖云風熱每得煖氣而痛緩者則虛火
之本固寒其性喜煖再則治病之法用甚寒甚熱

之藥當以從治從治不已又當求其屬以衰之從
與屬者正熱痺得煖而易散之義也若痛久則飲
食起居必廢精神氣血亦必因病而虛所以筋骨
無力關節不利而成痿痺也

活人錄

又曰或問痛風形證與痺無異如何不附於痺症之
末而又別立一門也答曰痛痺本乎寒痛風屬乎
風血脉得煖則行得寒則凝寒留脈中久成痛痺
况痺者閉也閉塞不通之義所以始終痛在一處
非若風之善行而數變者也蓋風氣勝者爲行痺

故痛風者卽痺門之行痺也然其義相似而實不同者乃受病有深淺相沿有新久而病之愈也亦有難易大約風痛每得之於暑濕盛行之時氣血沸騰之際或衣汗衣或卧濕地或汗出迎風或貪涼熱寢於漆器竹蓆石牀之上致暑熱之氣得寒而凝因濕而著遇風而閉由是熱滲所勝反兼風化行於經絡血脉之中移動不定痛止非常非若痺症之爲病深久而難愈也

又曰形神如故飲食如常脉來洪滑浮弦急數有力

而痛甚者實也形神萎弱飲食減少其脉虛弦澀
數或微弱無神或虛搏空弦酸疼無力二便不調
者虛也

又曰治痛風當分別新久虛實及屬風火或有濕
熱亦能流注經絡關節爲痛新者營衛之氣血未
虧當以治病爲主若痛久而精神不足者以清補
兼之濕熱勝者宜燥濕清熱風火甚者宜滋燥養
血大補肝陰蓋治風先治血血行風自滅若過用
風藥及寒燥之劑反有耗血遏火之患矣

錢青楡曰痛風者遍身骨節走注疼痛也謂之白虎
歷節風都是血氣風濕痰火皆令作痛或勞力寒
水相搏或酒色醉卧當風取涼或卧卑濕之地或
雨汗濕衣蒸體而成痛風在上者多屬風在下者
多屬濕治當活血疎風消痰去濕羌活湯加減凡
治痛風用蒼朮羌活酒芩三味散風行濕之妙藥

耳
經驗

又曰一切痛風肢節痛者痛屬火腫屬濕不可食肉
肉屬陽火能助火食則下遺遺溺内生痞塊雖油

炒熱物魚麪切宜戒之所以膏粱之人多食煎炒
炙燂酒肉熱物蒸臟腑故患痛風惡毒癰疽者最
多肥人多是濕痰瘦人多是痰火

周鶴仙曰痛風風入骨中輕則隱隱骨內痛重則遍
身骨皆痛也亦有走來走去在骨節間作痛不可
忍者此等病雖邪入在骨髓而骨髓屬腎似宜治
腎然不可徒治腎也必須治陽明始效陽明經胃
經也大腸亦陽明經也論理去陽明之風宜用乾
葛去陽明之火宜用石膏知母然邪終在骨髓必

須用氣分藥提出氣分然後以補腎藥補其骨髓

始能去病宜用黃芪湯主之

經曰風寒濕三氣雜至合而為痺也風氣勝者為行

痺行痺者行而不定也今稱為走寒氣勝者為痛

痺注疼痛俗名流火及歷節風濕氣勝者為著痺

著痺者留着其處而不移世稱為麻木不仁或痛

行著一處始終不移者是也凡風則陽受之故為痺

經曰以冬遇此者為骨痺以春遇此者為筋痺以夏

遇此者為脉痺以至陰遇此者為肌痺以秋遇此

者爲皮痺

此以所遇之時所容之處命名以時令配五臟所合而言也至陰者六月也

又曰其入臟者死其留筋骨間者疼久其留皮膚間者易已又曰痛者寒氣多也有寒故痛也其不痛不仁者痛久入深營衛之行滯經絡時踈故不痛皮膚不營故爲不仁蓋痺在於骨則重在於脉則血凝而不流在於筋則屈不伸在於肉則不仁在皮則寒故此五者則不痛也凡痺之類逢寒則急熱則縱皆由內虛爲本可以風名不可以作風

治也

統旨曰風痺者游行上下隨其虛邪與血氣相搏聚
於關節筋脉弛縱而不收也寒痺者四肢攣痛關
節浮腫濕痺者留而不移汗多四肢緩弱皮膚不
仁精神昏塞熱痺者臆臆移熱復遇外邪客搏經
絡留而不行陽遭其陰故癰痺熖然而悶肌肉熱
極體上如鼠走之狀唇口反裂皮膚色變經言止
有風寒

濕三痺此更有熱者蓋鬱久成
熱熱在三氣之內變生者耳三氣合而為痺則

皮膚頑厚或肌肉痠痛此為邪中周身搏於血脉
積年不已則成癰疹風瘡搔之不痛頭髮脫落治

湯醫大全
宜踈風涼血總由榮衛舍虛外邪留居血氣凝結
而成也大抵濕多則腫熱多則痛陰虛則脉弦數
而重在夜陽虛則脉虛大而重在日

馮魯瞻曰痺者閉也五臟六腑正氣爲邪所閉則痺
而不仁痺雖有五多由體虛之人腠理空疎爲風
寒濕三氣侵入於皮脉肌筋骨不能隨時驅散留
滯於內久而爲痺其爲病也寒多則掣痛風多則
引注濕多則重著然風寒濕三氣客於經絡爲病
不一或爲痛或爲癢或爲麻痺不仁或爲手足緩

弱所以然者有新久輕重之分有濕痰死血之異耳治以攻補兼施而標本兼顧也薄桂味薄能橫行手臂領南星蒼木羣藥至痛處成功葳靈仙治上體痛風漢防已治下體痛風然虛弱人並當以氣血藥兼之方能有力運行藥力

又曰痛風者古名痛痺俗謂之白虎歷節風卽四肢骨節走痛也夫氣行脉外血行脉內晝行陽夜行陰各二十五度得寒則行遲而不及得熱則行速而太過內傷外感則疾作矣彼痛風者因血受熱

已自沸騰或再陟冷受濕取涼熱血得寒汚濁凝
澁榮衛難行堅牢阻礙邪正交戰所以作痛夜痛
甚者行於陰也治當以辛烈暴悍之劑流散寒濕
開鬱行氣破瘀豁痰舒風和血開發腠理則怫鬱
開而血行氣和自愈大約有餘則發散攻邪不足
則補養氣血然亦有數種治法不能無異或因風
熱或因痰或因風濕或因血虛若濕痰濁血流注
爲病在下焦而道路遠者非烏附氣壯者不能行
故用爲引經若以爲主治非徒無益也總肢節腫

痛因經絡感受風寒鬱久成爲濕熱流注肢節之
內痛者火也腫者濕也其治宜疎風燥濕佐以調
補氣血以助藥力進行終以滋養肝腎以壯筋骨
堅強此其治也然痛要在勢如刀割尚屬邪正相
爭之象若至全然不痛則邪正混爲一家相安於
無事矣

內經論痺四時之令皆能爲邪五臟之氣各能受病
六氣之中風寒濕居其半所謂雜至與合則知非
偏受一氣可以致痺又云風勝寒勝濕勝者則知

但分邪有輕重耳皮肉筋骨脉各有五臟之合初
病在外久而不去則各因其合而內舍於臟在外
者祛之猶易入臟者攻之實難治外者散邪爲亟
治臟者養正爲先治行痺者散風爲主禦寒利濕
仍不可廢大抵必叅以補血之劑蓋治風先治血
血行風自滅也治痛痺者散寒爲主疎風燥濕仍
不可缺大抵必叅以補火之劑非大辛大溫不能
釋其凝寒之害也治着痺者利濕爲主祛風解寒
亦不可缺大抵必叅以補脾補氣之劑蓋土強可

以腠濕而氣足自無頑麻也病退之後內節慾以
保精髓慎寒冷以却外邪戒酒麪以林濕熱服補
養以生氣血則病不復發矣

又曰痺之爲證有筋攣不伸肌肉不仁與風證相似

但風則陽受之痺則陰受之故多重着沉痛其三
氣之中風氣者爲行痺故走而不留不拘上下左
右關節之間流走而痛或三日五日又移一處俗
名流火又名白虎風言其往來而痛一如虎咬之
狀日輕夜重也寒氣勝者爲痛痺因血脉寒凝痛

在一處而不移俗名白虎飛只濕氣勝者爲著痺
上下脉理滯塞不通致令肌肉先麻而後木木而
不知痛癢卽所謂不仁經又以所遇之時所客筋
骨皮肉脉之處而命名非行痛著之外另有骨筋
之諸痺也崔紫虛曰風寒濕氣合而爲痺浮緊兼
清三脉乃備則緊清之脉重痛沉着之症皆純陰
也當助陽溫散之藥方爲對症

靈樞曰衛氣不行則爲麻木丹溪曰麻是氣虛木是
濕痰死血然則曰麻曰木者以不仁中分而爲二

也雖然亦有氣血俱虛但麻而不木者亦有虛而感濕麻木兼作者又有因虛而感風寒濕三氣乘之故周身掣痛麻木併作者古方謂之周痺治法宜先汗而後補也當以類而推治然麻木者不仁之漸也麻爲木之微木乃麻之甚古方名爲麻痺原病或曰麻者亦猶澁也由水液衰少而燥濕氣血壅滯而不得滑澤通行氣強攻冲而爲麻也俗方治麻多用烏附者令氣行之暴甚衝開道路得以通利則中氣行而麻自愈矣然烏附上能溫行

更必須兼以補養蓋麻木未有不由於氣血兩虛也或謂麻木爲風雖三尺之童皆以爲然然如久坐而起亦有麻木假如以繩縛繫釋之亦覺麻木久則自己者此非因風邪乃氣不行也故不須治風當補其肺中之氣則麻木自去亦有因陰火乘其陽分火動於中爲麻木者當兼治陰火則愈不必去火補陰而火息也大抵諸脉有餘痺在表諸脉不足痺在裏

又曰風者四時八方之氣從鼻而入乃天之氣也疾

者五穀百物之味從口而入脾胃之濕所結乃地
之氣也故風勝者先治其風痰勝者先治其痰風
與痰相等則治風先治痰此定法也經云風之傷
人也先從皮毛而入次傳肌肉次傳筋脈次傳骨
髓故善治者先治皮毛次治肌肉由此觀之乃從
右而漸入於左也皮毛者右肺主之肌肉者右胃
主之筋脈者左肝主之骨髓者左腎主之從外入
者轉入轉深故治皮毛治肌肉不使其深入也又
曰濕之傷人也先從足始此則自下而上無分

傷寒大全
左右者也從外入者以漸而驅之於外從下上者以漸而驅之於下此其治也

十指麻木丹溪曰是乃胃中有濕痰死血宜二陳湯加蒼朮白朮桃仁紅花附子

有或腿足或肩背一塊肌肉木者此陽氣不足不能周及以致陰寒凝泣也

身上虛癢者是血不榮於腠理也用四物湯加黃芩煎調浮萍末服之

痛風門主方

通治痛風主方

活人錄

當歸

三錢

秦艽

二錢

防風

一錢五分

川芎

羌活

各錢

車前子

黃芩

枳殼

各五分

水煎午後臨睡服

治痛不外乎順氣治風必先於涼血氣順則血
活而脈絡通血涼則火清而風息痛則不治而
自治如重感風寒使內之濕火鬱而不散者
如羌活桂枝各五分去黃芩車前服芎蘇散
如外復感暑濕者加蒼木一錢五分白木澤瀉
黃柏各一錢去川芎黃芩枳殼服勝濕丹血

脈疑閉不通而痛甚者加紅花一錢五分桃仁一錢桂枝五分去黃芩車前服法風越婢酒及

活絡丹病久血枯者加牛膝一錢五分製何首烏二錢服活絡丹或加味史國公藥酒病

久氣虛者加白朮三錢人參一錢五分減當歸一錢五分去黃芩枳殼服祛風越婢酒兼加味

虎酒九如勞倦內傷及房勞體虛之人加人參五錢知母一錢五分牛膝一錢去羌活黃芩

服滋陰百補丸及滋陰百補酒或加味史國公藥酒如寒濕風濕之疾其脈需軟而微滑者

加白朮一錢五分半夏二錢陳皮蒼朮各一錢去當歸黃芩車前服祛風越婢酒或加味史國

公藥酒及四妙散活絡丹葦蕈丸血虛血熱風熱內盛者服涼血省風藥酒言大便秘結淋

利者服搜風順氣丸

痛風藥酒方

錢青榆

昔賣中書方中年忠此四肢不舉者五

載景醫用效偶遇李讓有此秘方修合
服之半月身輕目清病遂除因求此方
江酉淮王傳

鯨 甲

七輪者
醋炙

甘菊花

淨

防風

杜 仲

人 參

甘枸杞

粉丹皮

石菖蒲

去蘆
根

秦 苳

虎 骨

酒炙

川羌活

油松節

牛蒡子

各一兩

白 朮

黃 芪

遠 志

去心甘
草汁煮

山萸肉

桔 梗

蒼耳子

僵 蠶

白茯苓

牛膝

川草薺

石蟹

天花粉

熟地

明天麻

白芍

白附子

獨活

天南星

姜汁炮

荆芥

廣陳皮

白芷

茅蒼朮

米泔浸炒

川芎

川當歸

各五錢

用無灰酒二斗浸之春夏二七秋冬三七封固

母洩氣每日空心三次各飲一杯藥搗焙乾研

細好酒和丸如梧桐子大每服七十九空心好

酒送下

骨節風疼

赤水玄珠

大川烏

三枚生用

全

竭

二十一箇生用

生黑豆

二十一粒

地龍

去泥土酒洗淨
五錢

右爲末入麝香一分糯米飯和丸菜豆大每服

七丸夜卧酒下微出冷汗一二服便瘥

五汁膏

抄本

白蘿蔔

薑

芫

韭

各五觔搗汁

菜子

牛觔取汁

卷二十八

痛風方

三

顧氏秘書

五汁煎成膏滴水成珠外加麻油東丹石灰收
煉如汁多加多汁少加少做膏藥貼不拘久近

立時見效

左經丸 赤水玄珠

治手足不隨筋骨諸痛遍身風瘡

大草烏 去皮臍 木鱉子 去殼 白膠香

五靈脂 各三兩 斑 五錢 毛 五枚去頸足翅
醋炒

右磨細用生黑豆去皮為末一升醋和丸如芡

實大每服一丸溫酒磨下治筋骨痛未經針刺

者三五服見效

此方曾醫一人軟癱風不能行不十日見效大為奇妙

風氣痛肌膚不能近衣被者

綱目

生薑

葱

各半舂搗汁熬稠

加水膠三條切斷投下融化攪勻敷痛處用桑皮紙大針戳眼扯碎貼上其痛即止

又方

老薑

鳳仙葉

川椒末

香油

共搗擦痛處或鳳仙子煎湯洗亦效

又方

魚膠四兩 姜汁一碗

全熬膏攤布上貼痛處即止

痛風遍身骨節走痛

油松節 晚蚕砂

浸酒煮飲每日常服

風濕臂痛

秦艽一錢 全當歸 防風各二錢

豨薟草 木瓜 海風藤

白茄根各三錢 麻黃五錢

酒二觔砂鍋內煎四五滾在臂上薰洗每日二

次不可怠畧錢青掄云家慈嘗患此症親試立效後治他人無不響應

又方

白鳳仙花浸燒酒飲亦效

周鶴仙黃芪湯

嫩黃芪 三兩

白朮 二兩

生地黃

元參 各一兩

甘菊花 五錢

水煎服服一劑少止痛二劑痛除三劑全愈加

防風一兩更妙

風痰麻木風濕藥酒

江仍度

大生地 十兩

酸棗仁 炒

當歸身

海桐皮

羌活

川草薢 風濕加此
味各二兩

地骨皮

川牛膝 各一兩
五錢

桂枝

甘草 各五錢

火酒二十觔窺七日後即可服每飲二三小盃

不宜過多久服壯筋骨健步履並治筋骨疼痛

萬應膏 江仍度

淨松香 十觔

生大黃

黃栢

目草

苦

參

各二兩

蒼

木

一兩

生薑汁

芎

汁

各二兩

共入鍋內熬化升盡水氣瀘清復入淨鍋內入

真麻油三觔熬至滴水不散即火候已到用棍

攪勻

預將焗鋼一隻貯水大半鋼將水把鋼

週圍溼濕以免膏藥沾在鋼上貯水已畢即將

麻布一方將膏過入鋼內畧溫復取起以手捏

去水頭再入鍋內化開加去油乳香沒藥各六

兩黃蠟八兩熬化攪均撤去火用篩加研細百

草霜四五兩旋入旋攪又以麻布過入水內捏成團平日俱浸水中用若干只取若干燉化攤貼一切痛風濕痺麻木痛楚筋骨疼痛如神如膏老量加麻油化勻攤用可也

除濕固本膏 袁鼎臣賣三兩一張

貼一切風濕筋骨疼痛立刻定痛

人參 另研

大熟地

黃芪

五加皮

去粗皮各五錢

大附子

去皮臍

當歸

川續斷

川牛膝

尺

桂

如無厚桂代各三錢

杏 仁 去皮

白 芷 去稍各一錢五分

右藥同麻油一筋熬至藥枯瀘清去渣將油復

入淨鍋內入人參末文火熬至滴水成珠不散

入炒過飛黃丹七兩收之傾入水內拔上火毒

磁罐密貯臨用攤貼

臨河瘋氣藥酒

當歸身 一兩 五錢

白芍藥

薏苡仁

生 地 各一兩

香 附

杜 仲 各八錢

虎 骨 酥炙

秦 朮 各六錢

真川芎 七錢

易醫大全 卷二十八 痛風方 顧氏秘書

川續斷

羌活

五加皮 各五錢

右用頭生酒三十觔封固煮三炷香放土地上
退火氣一七每晚溫飲一杯

紫金錠

治週身風濕筋骨疼痛三服全愈

鸞粟殼 淨末六兩

鬧陽花 火酒拌晒乾

麻黃 去節炒各四兩

自然銅 煨一兩五錢

寒水石 煨一兩

草烏 黑豆全煮去豆

乳香 去油

全蝎 水洗培乾

川芎

當歸

白芷

甘草 各五錢

右爲細末磁瓶密貯或用陳老米糊和搗爲餅
重二三錢陰乾密貯每用量人老弱壯實用酒
磨化三四五分爲率熱酒和服取汗避風要緊
走注風毒疼痛

小芥子研末和鷄子清調敷

諸般皮裡痛

何首烏末用生薑汁調成膏敷痛處以帛裹用火
烘鞋底熨之

太乙神針 集驗

治一切痛風寒濕筋骨疼痛

人參

麝香

香

各四兩

山羊血

二兩

廣三七

八兩

千年健

肉桂

乳香

蒼朮

小茴香

鑽地風

沒藥

藥

各一兩

防風

蘄艾

艾

各四兩

穿山甲

八兩

共為細末用棉紙一層高方紙二層寬裁一尺

二寸五分長裁一尺二寸將藥末薄薄鋪勻在

上一針約用藥七八錢緊捲如花爆式務要緊

實兩頭用紙封固外用印花布包而亦要整齊好看用時將針以火焯着或按穴道或在痛處下襯以方寸新紅布數層將針按土若火旺布薄覺疼可加墊布數層但針必須三四枝點着一針焯熄又換一針連進七針無不立愈

近日亦有用粗紙襯患上針者亦效但襯紙襯布俱要墊的平穩若墊的有縐折便要走泄火氣致傷良肉起泡成灸瘡矣臍間少腹非多襯紅布不可輕試若襯的不厚怕灸瘡潰爛悞

事

太乙神針其功甚巨極有奇驗只恐施之不善
 適足悞事澄曾見用此針隔皮袍針左臂麻木
 者孰知特針重按而皮袍袖口折疊火氣蒸傷
 臂肉成瘡足害六十餘日始愈此其小悞也又
 見一張姓婦年三十餘患腹痛服埋中湯未愈
 一醫用太乙神針針臍下丹田一針其痛稍止
 次日又針而其腹痛更甚豈知婦女皮膚被藥
 針火氣走散灸瘡大作潰爛鍾口一塊洞腹透
 腸無法補救而死嗟乎腹痛未必即亡而醫之
 用之不善致戕其生豈可歸咎於太乙神針乎
 故不得不詳述其悞以誠
 後之用此針者留意焉

癩瘍風門主論

王肯堂曰癩瘍風乃風邪積熱居於肺腑久而不散
流溢皮膚令人頸邊胸前腋下自然斑駁點點相
連其色微白而圓亦有紫色者亦無痛癢凡此皆
風之與熱伏於肌腠之間氣血不和乃生此疾也

準繩

與持斧取服氣


其其會燄自而圓

齋對氣亂令人

王音堂曰齋與風

感風門主

紫白
癩瘋



刺實也... 紫白癩瘋... 一... 而... 也... 因...

紫白癩瘋門王舖

紫白癩瘋門主論

陳實功曰紫白癩瘋乃是一體而分兩種也紫因血滯白因氣滯總因熱體風濕所侵凝滯毛孔氣血不行所致此皆從外來而成者初起以萬靈丹發汗散之

正宗

紫白



紫白癩風門 主方

白癩風酒

苦參 五兩

露蜂房 五兩

刺蝟皮 一個

又文右藥咀片水三斗煮一斗去渣用汁細酒麴五

筋炊黍米三斗作飯拌麴同藥汁如釀酒法酒

成搾去糟食前溫服一二杯

三味黃芪丸 張仲景

黃芪 三兩

蒼耳子 一兩

防風 三錢

水法疊丸米飲送下三錢

癩醫方全
手上白癩瘋

鳳仙花一棵帶泥入砂鉢內煮滾洗之

紫白癩風汗斑

張仲景

硫黃

密陀僧 各一錢

白砒 六分

研細陳醋調擦

又方

白附子硫黃各等分研細姜汁調勻茄蒂蘸擦

肥皂方

白芷 芫花 風門 山 柰

皂角

甘松 各二錢

白附子

潮腦

楮實子

菉豆粉

密陀僧

各一錢

研細用去淨皮弦肥皂一筋搥勻擦洗

又方

白砒 二錢

川貝母

白芷

各五分

雄黃 一錢

白附子 一錢五分

研細烏雞蛋調搽

白癩風 孫真人

硫黃明礬各等分研細末敷之

癩風 李時珍

茄子蒂蘸硫黃末擦之取其能散血白癩用白茄蒂紫癩用紫茄蒂各從其類也

紫雲瘋

紫背萍萍陰乾一兩硫黃五分

研細麻油調搽

大痲瘋



大痲瘋門主治

大痲瘋門主論

陳實功曰大痲瘋乃天地間異症也總之驟被暴晒
霧露風雨之氣所侵或房慾後體虛爲風邪所襲
或露卧當風久卧濕地總由風濕相乘氣血凝滯
表裏不和臟腑痞塞陽火所變此其根蒂也其患
先從麻木不仁次發紅斑久則破爛浮腫無膿治
法初宜發汗久當培助氣血

正宗

又曰皮死麻木不仁肉死刃割不痛血死破爛流水
筋死指節脫落骨死鼻梁崩塌此爲五不治

又曰心受之先損於目肝受之面發紫泡脾受之過
身如癰肺受之眉毛先脫腎受之足底先穿此爲
五敗症不治

又曰治之當戒房事厚味動風等物矣

脉訣曰脉洪大者生沉細者死

汪省之曰大痲瘋有三因一曰風毒二曰濕毒三曰

傳染 理例

訣云治風先治氣氣足風自除治風先治血血足風

自滅故當分氣血二治有養氣養血之別故治風

之要莫穩於益氣活血為主

蔣示誥曰眉落眼盲唇翻聲啞皆爲難治所以然者
由邪正交攻氣血沸騰而濕痰死血充滿於經絡
其之中熱勝則肉腐故生蟲牛瘡痛癢麻木也治法
內通臟腑外發經絡養榮益衛補正逐邪大劑峻
補久服而蟲瘡痛癢麻木俱自愈矣

說約

馮魯瞻曰經文治法有發汗與刺血二法汗出以泄

榮衛之怫熱刺腫以出惡血之留蓄子和曰一汗
抵十針蓋以刺血不如汗之周偏也尤宜助胃氣

以固根本實衛氣養榮血以繼之蓋原其本皆由嗜慾勞動氣血不避邪風冷濕使濕氣與胃氣相干而致是正虛爲本而濕熱是標也雖曰是風不

可繩作風治

錦囊

林氏曰或問何爲癘風何經受病何故多死而少生答曰癘者厲也卽陰陽乖戾之氣俗稱大痲風者是也此氣乃天地間陰霾濕熱賊風不正之氣若人肺家元氣先虧則鼻竅易於觸受而皮毛腠理因之不密倘然早起晏眠宵行露宿則毒氣先由

鼻入而陽明獨受其邪蓋鼻爲肺之竅而手足陽明經之絡起於鼻之交頰中故人在氣交之中而鼻爲肺與腸胃出納升降之門戶一受風邪則鼻塞息粗打嚏流涕眉稜酸痛是其徵也所以毒厲之氣出鼻而直入陽明之絡先則眉癢而漸脫落兩顴紅潤浮腫而癢漸至兩臂皮粗毛落甚而通身肌膚淫淫作癢難忍其毒深入血脉之中則濕熱蘊積生蟲侵蝕臟腑汙時肌肉久久精神枯涸諸蟲聚食傳爲癩瘡而死

活人錄

又曰或問雖爲乖戾之氣潛伏脉絡之中若以清散
疎解之藥治之自當速愈何至生蟲沿跬皮膚臟
腑敗壞腐爛而死也答曰經云大風苛毒虛邪賊
風皆陰閉濕熱鬱蒸之氣所化其性本熱及至陽
明又兩陽合明乃多氣多血之府由是氣溫血熱
最易生蟲蟲多蔓延尤難緩治病者先失於不覺
不知繼則誤於緩視而毒深再則不得其法而無
效遂至於敗壞而死非厲風卽可以殺人也患者

又慎之

又曰此症須在一月之內速爲清散可保無恙其精
神氣血未衰六脉洪大而實或洪數有力者用汗
吐下三法分表裏攻逐之使毒氣不得稽留而速
化繼服清熱解毒涼血補血之劑禁用辛燥之藥
及耗津精血液而助酷烈之勢但患者必須清心
寡慾遠色忌口方爲有益

馮魯瞻曰大風病是受天地間殺物之風古人謂之
癘風者以其酷烈暴悍耳須分在上在下在上者
以醇仙散取臭涎惡血於齒縫中出在下者以通

天再造散取惡物陳蟲於穀道中出所出雖有上
下道路之殊然皆不外乎手足陽明二經蓋腸胃
爲市無物不受脾肺二經之腑脾主肌肉肺主皮
毛乃腑病及於臟也治此病者須看其疔瘡與瘡
若上先見在上體多者病在上也下先見在下體
多者病在下也上下同得者在上復在下也胃與
大腸無物不受此風之入人也氣受之則在上多
血受之則在下多氣血俱受者甚重是非醫者神
手病者鐵心罕有得愈若從上或從下以漸而來

者皆爲可治但人易緩忽不能斷味絕色則難免
再發再發則終不救矣

又曰風起於八方應其時則物生違其時則物殺凡
人中氣不足如持虛受物乃感受此殺物之氣鬱
而成濕久而成熱氣濁血汚歷傳臟腑生蠱潰肌
流行爲害蠱食心則足底穿膝腫食肝則眉落食
肺則鼻崩聲啞食腎則耳鳴啾啾耳莖生瘡或痺
或痛如針刺狀食身則皮癢如蠱行自頭而來爲
順風自足心起者爲逆風總由濕熱之毒流結而

成也先以再造散下之稀粥調理勿妄動作勞後
以醉仙散取臭涎惡血於齒縫中出或吐或利以
洩越其邪面黑漸白而安

又曰大風症者所因不一或色慾當風或醉臥濕地
或乘熱脫衣或汗出入水或空心饑餓山行感山
嵐瘴氣或勞役奔走途中胃寒雨陰露皆出內傷
形體不知避忌外感風濕毒氣入於皮毛血脉肌
肉筋骨之間當時失於驅散停積既久以致榮衛
不行內外薰蒸內則生蟲外則生瘡臟腑經絡皆

受患矣眉毛先落者毒在肺面發紫泡者毒在肝
脚底先痛或空者毒在腎徧身如癩者毒在脾目
先損者毒在心此五臟受病之重者也古人謂大
風疾三因五死三因者一曰風毒二曰濕毒三曰
傳染五死者一曰皮死麻木不仁二曰脉死血潰
成膿三曰肉死割切不痛四曰筋死手足緩縱五
曰骨死鼻梁崩塌與夫眉落眼盲唇翻聲噎皆爲
難治所以然者由邪正交攻氣血沸騰而濕痰死
血充滿於經絡之中熱勝則肉腐故生蟲生瘡痛

癢麻木也治法內通臟腑外發經絡養榮益衛補
正逐邪大劑峻服久服而蟲瘡痛癢麻木自愈亦
須首尾斷酒戒色忌食發風動氣葷腥鹽醬炙煇
生冷之物清心寡慾方保無虞

又曰癩瘍所患非止一臟然其氣血無有弗傷兼證
無有弗雜况積歲而發現於外須分經絡之上下
病勢之虛實不可槩施攻毒之藥當先助胃壯氣
使根本堅固而後治其瘡蓋病有變有類之不同
而治法有汗有下有砭刺攻補之不一兼證當審

輕重變證當察後先類證當詳真偽而汗下砭刺
攻補之法又當量其人之虛實究其病之源委而
施治焉蓋虛者正氣虛也實者病氣實也再造散
治其病在陰者用皂角刺直達病所出風毒於榮
血中肝主血惡血留止屬肝也且蟲亦生於厥陰
風木所化用此以治其臟氣殺蟲為主白丑者專
入胃與大腸既走下焦血分復去氣中濕熱追蟲
取積從大小便而利出之鬱金者因性輕揚善治
鬱遏氣血之凝滯因味苦辛善消陽毒積熱之亢

炎以大黃引入腸胃榮血之分利出瘀血蟲物醉
仙散治其病在陽者用鼠粘子解散陽明風毒徧
身惡瘡胡麻逐諸風潤皮膚蒺藜散惡血而清胃
通鼻氣而祛風防風爲諸風之總司枯蔓根解煩
熱之要領枸杞潤腎燥而祛風蔓荆散風淫而明
目苦參專攻濕熱掃除潰瘍以祛赤癩落眉之毒
入者祛風散毒上下內外周而至矣

又曰風有三十六症而厲風爲最酷感之難免於死
者以其更多不守禁忌也經曰脉風盛爲癘癘者

惡也脈主血血熱而殺癘之氣襲之則血脈凝泣
衛氣不行其氣不清鼻爲呼吸之所要宗氣由之
出入也今營運之氣不能上升爲用故鼻柱腐壞
肌肉潰瘍也

又曰一貧婦因無膏粱厚味故服醉仙散外又服加
減四物湯百餘劑半年之間月經行而風症亦愈
故貴薄滋味也

風論曰風氣與太陽俱入行諸脈俞散於分肉之間
與衛氣相干其道不利故使肌肉潰臙而有瘍衛

氣有所凝而不行故其肉有不行也○癘者有營
氣熱附其氣不清故使鼻柱壞而色敗皮膚瘍潰
風寒客於脉而不去名曰癘風或名曰寒熱

長刺節論曰癘大風骨節重鬚眉墮名曰大風刺肌
肉爲故汗出百日刺骨髓汗出百日凡二百日鬚
眉生而止鍼○癘風者素刺其腫上已刺以銳鍼
鍼其處按出其惡氣腫盡乃止常食方食無食他

食

脈要精微論曰脈風成爲癘

張景岳曰癩風卽大風也又謂之癩風俗又名謂大
痲風此病雖名爲風而實非外感之風也實以天
地間陰癘濁惡之邪或受風木之化而風熱化蟲
或受濕毒於皮毛而後及營衛或犯不潔或因傳
染皆得生蟲蓋蟲者厥陰主之厥陰爲風木主生
五蟲也蟲之生也初不爲意而漸久漸多遂致不
可解救誠最惡最危最醜證也又千金云自乍不
仁極惡之孽也所以最爲難治觀孫真人云嘗治
數百人蓋無一人免於死者蓋無一人能守禁已

故耳惟一婦人病愈後又服加減四物湯百餘劑
半年之上方得經行十分全愈又丹溪治五人亦
惟一婦人得免以其貧甚且寡無物可喫也外三
四人者越二三年皆復作而死由此觀之可見此
證非得出奇秘方鮮能取效故予逢此證不敢強
以爲知而妄施治療亦不敢強言治法以惑後人
至若古人論治之法亦甚詳悉用之得宜雖病根
未必可拔而延保餘年天枉自亦可免由是偏求
諸說則惟薛立齋癘瘍機要論列已全今擇其要

并諸論之得理者以爲證治綱領

耆婆惡病論曰疾風有四百四種總而言之不出五種卽是五風一曰黃風二曰青風三曰白風四曰赤風五曰黑風其風合五臟故曰五風五風生五蟲黃風生黃蟲青風生青蟲白風生白蟲赤風生赤蟲黑風生黑蟲食人五臟若食人脾語變聲散食人肝眉睫墮落食人心遍身生瘡食人肺鼻柱崩倒鼻生瘰肉食人腎耳鳴啾啾或如車行雷鼓之聲若食人皮皮膚頑痺食人筋肢節墮落五風

合五臟蟲生致多入於骨髓往來無礙壞於人身
名曰疾風疾風者是癘風之根本也病之初起或
如針錐所刺名曰刺風或如蟲走名曰遊風遍身
掣動名曰擗風不覺痛癢名曰頑風肉起如桃李
小棗核從頭面起者名曰順風從兩脚起者名曰
逆風如連錢團圓赤白青烏斑駁名曰癘風或遍
體生瘡或如癢癬或如魚鱗或如榆莢或癢或痛
黃汁流出肢節壞爛爲膿爲血或不癢不痛或起
或滅青黃赤白黑變易不定病起之由皆因冷熱

不調流於五臟通徹骨髓用力過度飲食雜穢房
室不節虛勞轉極汗流遍體因茲積熱於五臟致
生多蟲食人五臟骨髓皮肉筋節久久敗壞名曰
癘風惟見黑蟲者最爲難治人得此疾速宜棄家
室財物離妻妾入山靜養治無有不瘥

徐東臯曰經云汗之則瘡已况癩之爲風尤瘡之最
惡者故曰癘風諸瘡熱久熱則生風且癘風尤染
肅殺之氣而成者若井汗法何以去其風毒所以
汗之一法乃治癘之最要者其餘諸方次第用之

又曰凡患人身上癢甚蓋以風邪氣鬱血不榮敷而然宜四物湯加黃芩白芷調薺薺末服發汗自愈張子和曰一汗抵千針蓋砭血不如發汗之周徧也然發汗卽出血出血卽發汗二者一律

沈紫亮曰夫人之生也稟天地之陰陽父精母血而成形體外毫竅內臟腑週身百骸十四經絡合於天地同叅故曰天乃一大天人乃一小天然天有晴明昧晦風寒暑濕燥火之氣而人亦有氣血盛衰喜怒哀樂之情是故君子調飲食而慎房勞節

喜怒而善攝養無七情之內傷避風寒畏暑濕忌燥火無六淫之外感則病無從而生是無夭折之患上古通天論曰上工治未病愚意非工之能乃人自治耳如稍不知節縱慾縱食任喜任怒致七情偏勝氣血不和六淫易入百病生焉卽如大癩瘋一症大小輕重計有三十六種症最酷烈最爲劇惡而感之者變形易質眉髮脫而手足痿肌肉潰爛十指墮落膿穢淋漓臭惡難聞人皆怨而避之可不慎哉前之先哲論此症之由有五一日風

水陰陽所損二曰源流傳染所因三曰氣穢毒注
所犯四曰保養失度所致五曰感冒積鬱所生此
言其大畧耳然癩瘋之始由各有不同有壯年而
發者有十四五歲而發者有四五歲而發者所感
有殊其壯年而發者因不能節慾致喪腎元精液
枯涸腠理不密易感寒濕之邪積久不去况水衰
不能生木則肝虛易動而風生且風鼓動易變與
濕相搏遂化爲熱又不能驅之補之則根堅蒂固
日甚一日風引濕熱之毒攻之肌肉皮毛壅遏於

肌肉經絡之間則氣血不行初或頭面手足有一
點麻木不仁如病者之家明其爲惡候卽延調治
而醫之明察其得病之淺深風濕之輕重刺制不
得散漫速爲順氣疎風燥濕舒筋健脾補血則氣
血和而風濕去矣如病者因其所患甚微不以爲
意而醫者又不明其症之暴烈朦然不覺妄投補
瀉致風濕之毒遍流身體遂致眼反唇齩眉脫髮
落手足痿痺十指墮折肌肉潰爛斯時也雖有軒
岐再世盧扁復生何能施其術哉可不痛乎其十

四五歲而發者元陽未充天癸未至腎元何由而傷蓋此非壯年而論緣先天不足氣血俱虧膚腠虛疎爲父母者不明其本源失於護育致感寒濕之邪入於筋骨復受虛風搏結而成其發之速其遍之易非壯年可比百不能全四五何曰因其筋骨未堅肌肉脆嫩毒易攻耳其四五歲而發者尤甚於此蓋人稟父精母血得成一點真元然後生兩腎而腎生肝肝生心心生脾脾生肺五臟而成六腑就百骸備而皮肉生完形全體而後生育此

症緣父母交媾之前先有濕症所懷之胎豈無是疾既生之後日積月纍遍溢週身復感風邪濕遇風而化熱薰蒸血脉肌肉遂發此症故一發卽遍隨成壞症百不一救皆由父母之故也然癩瘋以前諸家各論只言其風不及其濕因不能明其病之本源亦非確論且風屬木肝也而肝主筋若無濕以兼之甚則成癱瘓半身不遂輕則爲筋脉抽掣麻木攣痺不仁而癩瘋因風濕搏結於骨髓久而化熱其勢日甚風隨鼓動濕熱壅遏於肌肉之

間皮毛之分初作麻木此風之病也迨後皮穿肉
腐筋斷骨折非濕之爲害焉能至此然濕久則生
蟲內食臟腑外食肌肉損筋壞骨久則漫延無所
不致矣但毒發於五臟亦有可驗之處如毒盛於
心則喜怒不常面帶赤色言語不快眼生翳肉多
發泡疹痛癢麻痺不常毒盛於肝善怒而色蒼嗌
乾多忿上視面生小泡而浮腫毒盛於肺多汗惡
風時嗽短氣渾身瘙癢晝靜夜劇甚則眉髮落也
毒盛於脾身體怠墮四肢不收身面黃而弱遍身

紅癬或生癰疹毒盛於腎面目浮而腰脊痛不能
正立色慘怡顏則脚底先穿夫痲瘋之症有五死
五不治之說一曰皮死麻木不仁二曰肉死則割
切不痛三曰血死則肌肉潰爛四曰筋死指甲脫
落五曰骨死鼻梁崩塌眼斷唇翻五死既現故曰
難治一曰不能戒忌者不治二曰酒色不戒者不
治三曰不耐性而多怒者不治四曰思慮多者不
治五曰大小不和者不治又曰男左脚起者難治
女右脚起者難治此乃業醫者之效畧不可不知

也 醫學要則

二十六種瘋症歌訣

心經大痲蛇皮瘋

脫根邪昧魚鱗血

肝經鵝掌鼓槌瘋

血痺磁糕痛癩訖

脾經半肢軟癱瘋

紫雲刺乾癢瘋別

肺經白癩戴毛瘋

歷節壁泥癰啞列

腎經冷麻漏蹄瘋

蝦蟇桃熱與水決

胃經雁來疔痞雞

蝮蝮韃曳蠱瘋捷

心經

卷二十八

大痲瘋

顧氏秘書

大痲瘋 乃腎虛受濕肝虛動風風濕相搏壅遏於

血脈肌肉皮毛初覺或頭面手足一點麻木不知

痛癢不即醫治漸發遍身久則眉落唇翻十指墮

脫肌肉潰爛不能治矣

宜痲瘋丸回生丸還真丹
白花蛇丸清腎愈風湯

蛇皮瘋

兼腎經

乃先發髀股間皮膚迸裂形如蛇腹

之紋或痛或癢蔓延週身發極迅速若不速治則

不救矣宜火龍丹兼大補之 忌點刺薰蒸犯則

即死

宜火龍丹利瘋丹奇效丸

脫根瘋

此症腎經俱多

初發起於腳根並兩膝下起水泡

或破裂或生小瘡或生腫繭或痛或癢久則穿爛

沿至足底俗呼草鞋瘋又名魚腮瘋同一類也宜奇

效九火龍丹
大清風散

魚鱗瘋

此症兼肺經

初發起於遍身乾白浮癢麻木漸

生小瘡變成梅花片如刀刮魚鱗之皮癢而搔之

則痛或出黃水冷熱俱怕

宜一粒金丹利瘋丹
火龍丹大清風散

邪昧瘋

初發忽然悲哭如醉狂言驚怖喜笑不語

夢寐多魘或與鬼交乍寒乍熱心胸飽悶聞氣不

食古云氣注

宜珍寶丹疎風散

血瘋

此症兼肝脾腎三經

病緣醉飽行房縱慾或聞根裸體

入水或忿怒飲食或忍饑戮力風濕內侵久久邪
毒攻冲初起週身肌肉紅腫形如被杖遍生血泡
邪乘於陽則旦甚暮平邪乘於陰則暮甚旦平或
吐衄嘔咯等血或噦噫吞酸喜怒不常或生紅片
麻木不仁腫處穿爛流水不止或血從大便中出
面日浮腫頭痛腦裂手足攣痺皆由風濕之邪積
久化熱而風逞濕熱之助濕熱仗風之威攻冲泛
溢無所不至攻傷於心肺則致吐衄等血攻傷於

肌肉皮毛則致紅腫麻木穿漏潰爛之殃而成不
救之患可不恤哉初覺之時急用疏風散正陽丹
調治尤可保勿死

肝經

鵝掌瘋

此症兼肺經

始發起於手心併脚踝拐生紫白

蘇麻癢頑皮搔之則起白屑痛癢不常或生足面

稱為鞋帶瘋久則穿潰延及遍身

宜大消瘋散二八濟陽丹小棗

丹黑光湯

鼓槌瘋

此症孫腎經而兼肝經

初起時膝間痠痛怕見寒濕

風冷行步艱難俗呼爲寒濕脚氣久則肢脛虛弱

骨節大痛大肉消去膝蓋踝骨漸大脚趾痠麻形

如鼓槌

宜神仙換骨丹棗靈丹
獨聖散洗浴藥方

血痺瘋

此屬腎
爲重

此因體虛而多勞若皮腠虛疎易

感風濕之邪侵入血分積蓄既久化熱成蟲蠹食

肌肉初起疲倦汗出臥寐不時身體搖動如被風

吹久則漸發紫塊痛極則癢癢極則痛遂致鼻塌

攣跛而死

宜正陽丹乳
香搜風丸

齧糕瘋

此症兼脾
腎二經

此緣酒色過度不避風濕足三

陰經受邪氣血凝滯久則化熱成毒熱盛冲激溢
溢週身初發於眉稜骨上或面頰間結成痞癩久
變為瘡潰爛臭惡腥穢膿流粘着之處即變成瘡

頭足乖張眼塌鼻倒指折唇翻遂成不救而死初

發速用

乳香搜風丸苦參丸大消風散並大補氣血再開藥湯洗浴可保無虞

痛癩初發四肢骨節抽掣疼痛晝夜不能屈伸臥

難轉側久則遂成癱瘓不能起床

宜乳香搜風丸大定風丸麻黃

飲愈風湯
芎朮丹

癩瘋此症兼脾

此多怒則傷肝多慾則傷腎飲食

不節則傷脾然多怒則肝動肝動則風生腎多慾則陽虛陽既虛則陰寒盛矣脾緣飲食不節而致傷則不能運化留積而成濕不即調治則氣血乖張腠理不固而六淫之客邪入與主病相合乃成惡疾是以初起寒熱交作或嘔噦咳吐皮肉腫脹若不能驅邪輔正遂成狂妄叫號筋攣手振四肢牽引甚致歌舞笑罵毛瘁色敗變症百出而死初

覺即宜

奪命還真丹三生丹
四磨丹驅邪安神丸

脾經

半肢瘋

此症兼腎經

是症或因先天不足而受寒濕之

邪或因大醉行房而酒濕熱之氣乘虛入於筋骨

外又復感風邪風木盛而土虛不能生金肺腎無

根賊邪獨勝故成偏風或左或右骨節抽掣疼痛

難忍手足不能屈伸營血凝滯不能行於經絡故

筋攣而絡縱遂成癱瘓呼疼號痛日夜無休而死

或曰偏風又曰痿痺其症一也

宜乳香搜風丸寶珍丹正陽丹芎朮

散驅邪安神丸救苦回生丹

軟癱瘋

此症緣氣血俱虛肌肉踈緩膚腠不固致

感風邪乘虛入骨久而化熱壅遏於經絡氣血不能運行筋無血養以致肢體日夜痠疼手足無力拘攣不得伸弛縱不能屈身軟如綿或骨節舉動

有聲遂成癱瘓矣

宜搜風順氣丸寶珍丹正陽丹神仙換骨丹芎朮散

紫雲瘋 此症素因氣血虛而多火動徹則汗雨淋

漓然氣虛則腠理疎而衣被之濕易侵皮膚隨又復感風邪風與濕搏凝滯於皮膚之間久則生蟲故起紫黑斑點延漫遍身似霞如雲非癰非疥時作痛癢久則高腫漸作痲木以致喪身害命者百

有四五宜清風飲

乾瘋此症屬肝腎二經

此緣肺氣虛而感風邪然金虛不

能生水腎之本源則津液枯涸以致肌膚乾燥且

風邪入於皮膚既久變熱成濕故身無痛處漸生

黑白斑點手足心底發熱如烙遍身發癢而成調

治不痊之症宜復元丹並用藥湯洗浴避風取汗

刺瘋此係營虛多熱熱盛則腠理不密易於汗出

是以風邪乘虛而入然汗出多則血益虛且風之

性動遂壅熱橫行於經絡之間如遇正爭氣逆而

不行故致有刀錐所刺之狀待尋摸時而邪正已分行矣故痛無定處譬諸明未流賊如遇富饒之

處盡情搶擄及至官軍知勦則又不知去向矣或

肢節間如火燒熨痠痛難忍宜一粒金丹小棗丹

癢瘋此症兼肺經

此病緣衛氣素虛腠理不固風邪易

入浮游於皮膚之間故渾身燥癢不息宜正陽丹大消風散

肺經

白癩瘋兼脾經

此症因脾積熱不能生金肺虛受風

燥其津液夫血賴脾攝而行今脾為邪熱所困不

能統血而行肺受風邪壅滯於皮毛氣血不和運
行失節風邪所壅之處漸變為白矣然四肢為脾
之本皮毛乃肺之合故起於手足者居多

宜棗靈丹神效

追瘋丸
玉樞丹

戛毛癩

兼心腎二經

此由乘汗入水或腎虛而履霜堅

水致受寒濕久則化火成毒勢盛攻衝激動心火

上炎尅肺而濕熱之毒流注經絡故偶然搔觸悻

然痛極如被戛毛所螫之狀久則遍體走注轉側

動搖如被刀針剌刺其體痛楚難忍如走注已遍

不能救矣

宜消風散乳香搜風丸大定風丸
利風丹救若圓生丹驅邪安神丸

歷節瘋

兼肝腎
二經

此症由縱慾傷腎大怒傳肝兼且

不能節避下傷於濕外感於風而風濕之邪乘虛

入於筋骨復又不明調治蘊蓄既久則化熱成毒

有碍於營衛運行之道是以肘膝肩膊之間痠麻

抽掣筋攣節大手足難以舉動遂成癱瘓矣

宜驅邪安

神充救苦回生
丹大定風丸

壁泥瘋

兼脾
二經

此症緣肝風氣盛尅傷脾土復又

好食生冷動濕之物致脾虛而不能運化濕滯於

中積久化熱然脾土肌肉而風壅濕熱之毒遍行

於肌肉之間氣血不運則肉不榮矣故肌膚變為

灰白色如陳壁泥之狀因濕重風輕故無痛癢者

延及遍身則不救矣

宜乳香搜風丸芎朮散

癰疽

兼心脾二經

此症因脾經積濕致土衰不能生金

腫虛易感感邪蘊蓄既久變而為濕熱之毒蒸鬱

於肌肉之間則蠱生矣故初起癰癤如麻荳疥癬

之狀或麻癢而不疼或疼而不麻癢久則連片穿

爛以成不救之症

宜小蘗丹玉樞丹

瘧瘋

兼肝脾二經

凡多怒則傷肝氣有餘便是火致木

動而風生矣脾土受風木之傷艱於運化留滯而

成濕且脾土既衰不能輸精於肺肺亦衰矣而肝

木之邪乘勝已之臟衰反挾脾之濕邪上乘於肺

然肺主聲金空則鳴个被肝脾濕熱之邪所干竅

塞而不通故初則聲嘶久則聲啞矣

宜寶珍丹奪命還真丹

腎經

冷瘋

兼脾經

此緣腎虛而感風濕之邪然腎主骨腎

既虛則骨髓不克而風濕之邪乘虛入於肢節之

間日久邪甚盈溢於肌肉之內故初時爲麻木不

仁或時冷痛或肢節痠疼遇冬則伏牀不起久則

氣血不行發泡穿爛而死

宜奇效丹正陽丹還真丹乳香搜風丸冷瘋方

漏蹄瘋

此症蓋因色慾太過腎經傷竭兼又不善

趨避履霜踏雪足底受寒濕之邪積久化熱成風

氣血不行故初起先於湧泉穴麻癢不仁漸發水

窠穿破則流黃水久則遊溢週身生蠹穢爛臭惡

難聞爲不治之症

宜奇效丹火龍丹乳香搜風丸

蝦蟇瘋

兼肝經

此緣肺虛而感風濕之邪蓄於皮膚

久而不散化熱成毒營衛不行故渾身發塊似蝦

蟄之狀破即成瘡流膿出血臭穢不堪宜還真丹正陽丹神

效追

風丸

核桃瘋兼脾經

此症緣脾經素有濕痰土衰不能生

金氣虛則表不固風邪易感風入交煽積久之濕

痰散漫於肌肉之間故初起遍身塊癩大者似粟

三五串連小者如荳顆粒成行其形色胡桃相似

宜火龍丹

棗靈用

又有一種手指攣攣或足腕股腿腹肋之間或項頰

頭面之上發細黑小塊時值陰雨則發天氣晴明
則不見或每日值陰分則發陽分則不見或晴明
時其色鮮明陰雨時則變紫黑而痛者名曰蠹癩
瘡此因風濕之邪鬱久不散入於臟腑必祛風養
血調氣清陽燥濕若不速治變成大瘋則難療矣

熱瘋

兼肺脾
二經

此症因陰虛而感濕肺感風邪風濕

相煽而成熱邪氣上冲壅塞肺竅故鼻中常流臭
黃濁涕咳吐稠涎然曰屬陽今因氣虛邪得壅遏
於陽道則氣血不行故目痛如脫時時惡風而寒

戰若不速治則濕久生蟲內食五臟卽鼻崩眼塌

而死

宜搜風順氣丸棗
靈丹神效追風丸

水瘋

兼肺脾
二經

此症由肝家素有風熱木盛則土衰

停飲留積而爲濕兼之多慾則真元耗散不能制

水洋洋泛溢反侮脾土壅遏於肌肉四肢而作腫

脹氣悶如水蠱之形若正水濕不致潰爛此緣肝

之風熱與腎之水濕互相搏結薰蒸於肌肉之間

故潮發水泡穿卽潰爛病至於此縱有神丹烏能

救治也

宜搜風順氣丸
乳香搜風丸

胃經

雁來瘋

兼肺脾二經

此症緣脾經有濕肺感風邪風濕

搏結而成然肺主皮毛脾主四肢故每至八月秋

蕭索之時則手足乾燥非癩麻癢形似鍾癩或頑

厚如牛領之皮麻痺不仁破則血水頻流時常疼

痛久則逆溢週身潰爛而莫能救矣

宜奇效丹乳香搜風丸

疙瘩瘋

兼肝脾二經

此症因肝風脾濕交煽而成痰流

注經絡故初在於皮膚之內肌肉之間癩癩連枝

五色癩癩遇熱則癢逢寒則痛寒熱交作搔之成

瘡久則成斑爛若兼腎經而發於足趾足底連片

紫白胥骨枯而脚軟者最為難治宜神效追風丸

鷄瓜瘋兼肝經

此症因怒氣傷肝氣化為火然火盛

則風生况肝主筋而風火之邪通溢於經絡阻其

氣血之隧道筋無血養以致攣縮故身不動而自

搖手不動而自抖不能持物舉動艱難久而不治

則成癱瘓宜奪命丹大消風散乳香搜風丸

蝮蠅瘋 此症與疥瘡瘋相似但此尤多腎濕故初

起先於肋膝三五連串大小連枝漸成大串延長

如土狗之狀寒熱不時或痛癢麻木頑痺不仁若

不速治則遍身穿爛而死

宜奪命丹斑龍入師川

鞞曳瘋

兼肝脾二經

此症因肝脾二經風痰蓄積心血

虛而多火風痰上逆壅塞心竅故卒然撲倒昏迷

不省手足牽掣拳攣伸縮口吐白沫然風痰之邪

乘其虛而忽犯榮衛正氣必爭而驅之若邪盛正

衰其人必致不省而死正勝邪衰故省覺有早晏

也

宜一粒金丹四磨丹兼以祛風去痰降火之劑可愈

蟲瘋

此症緣脾家之風濕積久化熱濕熱之毒蘊

聚於內臟故初起腹大肢瘦其形如鼓既久則邪
毒上攻况眼之上胞屬脾而唇爲脾之合故眼塌

唇翻久則散溢週遍故渾身腫脹皮肉變黑毛髮

脫落而死

宜搜風順氣丸
救苦回生丹

有一種身面生瘡如貓兒眼放光流彩無膿無血久
則自退名曰寒瘡亦怪症也此因多食雞魚荔枝
所致須用溫補散毒之劑藥薰可愈

有一種渾身生泡形似棠梨破則冰出內有石片如
指甲大皮穿石出瘡愈其泡復生不已抽盡肌肉

則死用三稜莖朮各五錢爲末分三服溫水調服
卽愈

有一種面上初起瘡癩似疥非瘡似癬非癬多發於
春夏之時或癢或痛或蒸熱漸成細瘡黃膿腥穢
流注漫延名曰吹風癬婦人多患此乃受火炎鬱
積風熱邪毒上升故發面部久則變成瘋癩延入
髮際則不治矣治宜清心順氣散肺火祛風熱戒
淫慾方愈

大麻瘋門主方

首用煎方 家秘

防風

甘菊花

獨活

荆芥穗

甘枸杞

羌活

山梔子

面部加

白茯苓
天麻
蒼耳子

當歸
鼠尾子
蔓荊子

五花粉
薄荷
穀精草

下部加

杜仲
宣木瓜

金銀花
桔梗
熟地黃

牛膝
炙虎骨
木連

歸元加

連翹
元參

補虛加

桑螵蛸

夏枯草

血虛加

蘇木

紅花

婦人加

四物湯

俱白水煎服

後用天真玉髓丸

家秘

兼治紫雲風

白茯苓

炒去刺

草胡麻

去土微

苦

參

鮮明者

荆芥

當歸身

酒洗

防

風

去蘆各
四兩

海風藤

香者為上如馬鞭一根
切出花紋如栝榔尤妙

枳

殼

去穢淨

白朮

有濕痰在胃則用如胃
不痛無痰則不用

木

通

各二兩

乳香去油

沒藥去油如不痛不必用

牛膝下部則加

川桂枝手臂痛用如鼻塞不必用各一兩

重全蝎七個

大楓子五兩全天麻五錢煮去白衣膜石白內搗碎和勻

虎骨酥炙二兩止痛不加

共磨細末水法叠丸每早午晚各服三錢白湯

送下用香櫞片過口忌食麵醬醬油火酒川椒

羊鷲發物等味惟烏魚芝蔴相宜如服此丸反

覺飲食少進身體倦怠疲困則藥力到矣須耐

心久服可保全功漸加至五錢七錢更妙

全愈後丸方

光橘梨

即十大功勞又名八角茶出在浙江上面刺用剪剪去以醇酒拌九蒸九晒再去葉

中筋晒乾

為末一觔

元參

四兩

磨細末水法為丸每服二錢白湯送下

凡治瘋症忌用興陽熱味並川烏草烏以及藥酒等類訣云須分氣血二治有養血養氣之別

大麻瘋兼治癩症

穿山甲

一個不拘大小務要頭尾瓜甲毫無損缺方可入藥倘有不全則患者亦於斯處不

能全愈矣以濕絹拭淨灰塵灰須去淨用上好嚴生漆一勛絞去渣將山甲偏身

漆到陰乾又漆以漆完爲度再陰乾用火
酒浸一日夜取起風乾覓無焰大罈一個
將山甲四肢分作五塊用雙銅絲穿縛懸
放罈內四邊不可挨粘鹽泥封固罈口開
一孔用文武火煨煉看罈口烟盡卽退火
候冷取出鋪放地上一二時研細末每
穿山甲一兩加透明
硃砂五分和研收貯

每服三錢燒酒調服仍以燒酒過口每日三服

忌鮮魚鷄鶩羊肉麵食惟鴨臘肉猪腰可喫或

病者欲頭先愈卽先研山甲頭服之餘倣此如

聽其緩效卽合研可也若鬚眉已落服完再服

長松 卽仙茹 可復生矣

又方

小胡麻

苦參

各十兩

大楓子

白芷

防風

各四兩

荆芥

八兩

威靈仙

蘓薄荷

各一兩
五錢

蔓荊子

大黃

炒

黃芩

防己

當歸尾

薏苡仁

宣木瓜

各一兩

連翹

二兩

春加薄荷葉

一兩

夏加黃連

五錢

秋加蒼朮

一兩

冬加烏藥

一兩

研末水法叠丸清晨白湯送下 一錢

又方

此方醫人不可受謝
家秘

大蜈蚣

五十四條好酒一觔半
瓶內煮透取起晒乾

穿山甲

六士片用
蜈蚣酒者

薏苡仁

檳榔

宣木瓜

各一兩

陳壁土

炒成珠
四兩

研細加明雄黃五錢和勻每服二錢清晨空心

白酒調服盡量飲醉絮被取汗終身忌鯉魚

江南洲傳秘授仙方

蒼

朮

米泔浸
炒

麻

黃

去節各
一兩

當

歸

酒洗

川烏

防風

草烏

荆芥

金銀花

白芷

各五錢

天麻

麵包煨

桂枝

赤芍藥

釵石斛

海風簾

全

蝎

去尾酒洗

薄荷

陳皮

甘草

各三錢

花

蛇

四兩酒洗切片炒

右為細末磁罐密收每日午時稱藥末五分無

灰酒調服十口外加至六分廿日外加至一錢

不可間斷一料即愈止後服藥完多服補藥以

培元氣

蕪蛇酒

黃柏

苦參

甘菊花

丹參

牡丹皮

金銀花

當歸

赤芍藥

百部

赤茯苓

枸杞子

蔓荊子

川草薺

各一兩

桑枝

一兩五錢

生

地

二兩

秦芫

獨活

威靈仙

各五錢

蕪

甕

一具去頭尾如烏稍蛇亦可用

共煮火酒生酒十五觔退火七日飲

初服發汗清散之劑

活人錄

荆芥 二錢

防風 二錢

秦艽

羌活 各一錢五分

川芎

薄荷

淡豆豉 各一錢

葱白頭二枚水煎空心午前服

右皆輕揚升散之品能去肌表之風熱而無辛熱燥血之虞服後以後藥煎湯洗浴兼服前劑使表裏解散汗透為度七日後繼以後方探吐

洗浴方

紫背萍 陰乾

苦參 各四兩

防風

百部 各六兩

荆芥 八兩

濃煎熱湯無風密室中薰洗

中服探吐清利胃腑痰液之劑

防風 三錢
淡豆豉 二錢

廣陳皮

牛蒡子

各一錢
五分

桔

梗

一錢

皂角刺

五分

水煎午前午後服

右藥耑利陽明胃腑風熱之痰而兼能解毒如
不吐以鷺手探於喉間必使其吐盡積痰或膈
中酸苦稠涎亦可吐後用稀爛陳米粥早暮調
之忌用一切腥羶辛辣膩膈發病之物七日後
精神復旺再用後方

末用下劑蕩滌大腸蘊積之毒

金銀花 三錢

當歸尾 二錢

枳實

桃仁 各一錢五分

檳榔

紅花 各一錢

木通

甘草 各五分

水煎十分乘熱泡酒浸大黃末五錢以利為度

不暢以陳皮湯催之不止以陳米飲補之

右乃辛潤苦寒之味專除大腸積熱之毒兼能殺蟲並去痰穢

調補煎方

製首烏 三錢

生地 二錢

知母 一錢五分

車前

白菊花 各一錢

牡丹皮

薄荷 各五分

水煎午前午後服

蓋肺與大腸相表裏吐利之後臟腑血液枯燥
必然氣逆血熱前方清火滋燥涼血順氣亦治
風活血之餘義也

調補丸方

功效等於前方取其便於常服

製首烏 八兩

百部

生地 各五兩

秦芫

當歸 各三兩

車前子

牡丹皮

白菊花 各二兩

蜜丸早晚空心百滾湯吞服五錢

膏方

清氣清痰生津潤燥乃調補肺與大腸之要劑

天冬肉 八兩

生地 六兩

麥冬肉

川貝粉

各四兩
五錢

牛

膝 三兩

白菊花

知母

各二兩

水熬成膏以滴水不散為度冷一週時調

貝母粉收瓶伏土七日後臨睡時溫酒吞服五

錢

祛風殺蟲肥皂方

白部

新鮮者洗淨晒乾

紫背浮萍

陰乾溫火焙燥為末

鮮肥皂

各四兩

浮皮硝

二兩

共搗爛至極細丸如青梅大早晚洗浴淨臉用

以遍擦

大麻瘋洗方

衢艾

棟樹皮

椿白皮

各半觔

白礬

四兩

煎湯浴數次愈

大痲瘋

畢王泉屢驗限日收功

苦參

大胡麻

牛膝

當歸

各一觔

白茯苓

一觔四兩

荆芥

孩兒菊

各六兩

防風

馬鞭草

羌活

大楓子

淨肉用日木四兩全煮二三十滾去白木各四兩

共為細末以粗搗煎水疊丸如桐子大每服三

四五六七錢每日三服六安茶送下春天三日

見效冬天七日見效俱從頭上好起切忌去暈

菜油一切發物蕎麥麵避大風大冷以煖為主

戒房事宜喫牛內雞魚野味

大痲瘋

苦參炒 大胡麻 蒼耳子

牛膝煨 當歸晒各一 白蒺藜一觔六兩

防風四兩 羌活炒五兩 柴背浮萍

荆芥各六兩 防已晒八兩

如骨頭痛加獨活六兩共磨細末入甌內蒸以

秤桿戳氣眼鋪平氣透為度冷定聽用

大楓子淨肉十二兩用白木二兩煮大楓子油盡

去白木復將大楓子土炒另研

再將大楓子肉大和入前木內又磨勻篩下粗
搯煎水疊丸晒一日晚用青布將丸藥攤土地
上次日又晒又攤如此三日用麻布口袋盛丸
藥令出藥味每日倒動三次掛簷口每日早午
晚各服三錢六安細茶送下 忌一切無鱗魚
及動風之物戒百日房事要緊

熬蘿之人大痲瘋見效更速

方爾聖

火煉蛇一條入大麥或小麥三四升同蛇入罐煮
至水乾肉爛爲度其麥以紅雄鷄食之其毛自落

以線扣死去腸不用入罐煮熟打碎焙乾爲末神
麩打糊爲丸每服三錢空心開水送下但服二二三
兩卽愈矣

大痲瘋 盛天眷

活癩蝦蟆一個用鹽泥搗熟做一匣入蝦蟆於內
炭火燒熟存性去泥將蝦蟆研爲細末每服三錢
熱酒調服發汗得沃卽止後服

大痲瘋

用明淨松香不拘多少化去搯取河水用淨鍋將

松香煮化不住手攪視水色如米泔嗜味極苦卽
傾入冷水內將松香乘熱扯拔冷定堅硬另換清
水再者再拔如前法製不論數十次總以松香體
鬆潔白如玉所煮之水不苦爲度陰乾爲末羅極
細末二觔聽用每日止食白粥量投藥末和勻食
之不可多嚼日進數次不可更喫乾飯只以乾筍
乾菜過口一切油鹽醬醋葷腥酒菓糖麵等味概
禁勿食渴時只飲白滾湯每日服三四錢以漸而
加不可太驟服後大便必下毒物服完一料全愈

大痲瘋

松香

不拘多少以澄清河水不經礬者入銅鍋內煮約換水者數次水白為度每十兩

楓茄花

一名鬼兒苗其木錢地如紫茉莉葉似蓼花其花甚多與白玉簪色形無二產野地

及菴觀三四
月出二兩炒

紫背萍

先晒乾後炒
取淨末四兩

共磨細末不拘茶酒食物俱可拌服以愈為度

忌一切發物葷腥愈後仍忌百日要緊

加減大造苦參丸

治大痲瘋及諸風赤白癩風

苦參 一觔

蔓荊子

牛蒡子

何首烏

禹餘糧

黃荊子

枸杞子

蛇床子

防風

胡麻子

半生半熟

荊芥

皂角刺

蒼耳子

各片兩

香白芷

一兩五錢

爲末用皂角搗爛熬膏入前藥爲丸桐子大每

服五十九茶酒任下

醉仙散

須量人大小虛實用之症候重而急者先以再

造散下之方投此藥須斷厚味鹽醋相菓茄子煎炒燒炙等物止可淡物淡粥及煮淡熟菜或烏稍白花蛇以淡酒煮熟食之以助藥力也

胡麻子

牛蒡子

蔓荊子

枸杞子

四味俱炒黑色各一兩

白蒺藜

苦參

瓜蒌根

防風

各五錢

右為細末每一兩入輕粉一錢拌勻每服一錢

茶清調晨午夕各一服服後五七日先於牙縫

內出臭涎渾身痛昏悶如醉後利下惡物臭積

為效

通天再造散

須調補氣壯方服此藥

皂角刺

獨庄者去尖

大

黃

炒各一兩

鬱

金

五錢

日

丑

頭末六錢五分半生半熟

右為末每服五錢日未出時以無灰酒調面束

服之當日必利下惡物或臭膿或虫如虫口黑

色乃是年深者赤色是近日者數日後進一服

無虫積乃止

丸方

治大風肌頑麻木皮膚瘙癢遍身疥癩癢疹而
上遊風或如蟲行紫白癩風賊風攻注腿脚生

瘡

川紅鳥

白芷

苦參

胡麻

荆芥

防風

各三兩

白附子

白蒺藜

山梔子

川芎

羌活

當歸

赤芍藥

獨活

大楓子

去殼

地龍

何首烏

葳靈仙

各二兩

蔓荊子

一兩五錢

烏

蛇

一條好酒浸煮熟去骨取內晒乾或焙

為末酒糊丸桐子大每服四十丸茶湯下

驗方

蒼耳草

於五月五日六月六日五更時帶露採搗汁熬膏作錠子

取一觔半重鯉魚一尾剖開連腸入藥在內以

線縫之用酒毒碗慢火煮乾為度令患人喫盡

魚不過四五尾即愈忌鹽百日

洗法

桃柳桑槐楮五枝煎濃湯大缸坐沒頭浸一日湯
如油爲效或紫背萍萍煎湯浸洗 或地骨皮
刺芥苦參細辛各五錢水煎薰洗遍身血出爲效
務要湯寬浸洗良久方佳

癩瘋丸

治大癩瘋

鮮皂角刺二觔好醋煮九日曬乾取淨末一觔

木斷

羊油灸得法如
金色者淨末

八兩苦參取淨末二兩紫背

萍萍曬乾取淨末一觔再用苦參八兩好酒打糊

爲丸每空心日三服先用葱頭薑各二觔搗爛用
麻油熬熟將新鬆布包作六七包先將番木鱉刮
去皮毛碾爲末壯盛者服二分老弱者服一分隨
每人持藥一包在病人身上週身擦過用青布衫
褲襪穿好綿被蓋緊睡處不可透風或生炭火待
大汗後漸漸揭下乃起近前向火然後服前藥自
能痊可如身若炭一般而作癢者將石菖蒲打碎
煎湯四週圍住不可漏風連浴數次黑皮脫去平
復如故若一見風必成癰瘡最宜謹防慎之慎之

潤生丸

治大癩瘋

人參

不拘多

川烏

草烏

白芷

當歸

槐角子

何首烏

枳殼

連翹

海風藤

烏藥

杜仲

桔梗

石楠葉

肉桂 各四兩

乾薑

白礬

甘草

赤芍藥

升麻

虎骨

防已

白花蛇酒浸

乳香

沒藥

沉香各一兩

以上各為細末用麻黃二十觔去節水煎一日

去渣將汁熬成膏入藥末和為丸每丸重五錢

清晨送下一丸不可見風此丸能消風順氣諸

般風症可服川烏草烏乃諸風之首藥必先製

煉精詳莫待臨時忙亂

製川烏草烏法 川烏取八錢一枚者佳二物

將米泔水好醋各浸二皮用薑汁火酒調麵將

二物包裹在內慢火煨熟取出用陰陽瓦焙乾

為未收貯聽用 如逢大症面赤者宜咸

奪命還真丹

此丹非止治大痲瘋癩瘋症瘋冷瘋蝦蟆雞爪
螻蛄諸症即中風癱瘓遍身筋骨疼痛驚癇口
吐涎沫婦人胎前產後月經不調並皆治之

全蠍

白僵蠶

陳皮

生地

杜仲

蔓荊子

知母

甘菊花

黃連

各一兩

黃芩

熟地

肉桂

枳殼

柴胡

甘草

石膏

大茴香炒

防風

白朮

半夏

白茯苓各二兩

明天麻

川芎

廣木香

藁本

白芍藥各二兩

人參

虎絲餅酒浸

獨活各一兩

北細辛五錢

蛤蚧一對

以上俱為末蜜為丸彈子大金箔為衣每用一

丸隨症用引嚙下

一方多西牛黃麝香

冰片地骨皮

中風癱瘓大痲瘋癩瘋茶酒任下
遍身筋骨疼痛不省人事熱醋下
驚癇口吐涎沫温酒下
婦人胎前產後月經不調香附湯下
冷風寒濕黑豆炒焦烹酒下

清腎愈風湯

治大痲瘋

荆芥

防風

羌活

獨活

白蘼皮

白芷

蟬蛻

川芎

當歸

葳靈仙

生地

何首烏

枳殼

苦參

甘草 各一兩

茅蒼朮

黃栢

穿山甲

烏藥

石菖蒲 各二兩

金銀花 四兩

右作十劑好酒煎服

白花蛇丸

治大癩瘡

川芎

大麻子

羌活

白附子 炒

當歸

蔓荊子

獨活

葳靈仙

蟬蛻

赤芍藥

雷丸

蒼耳子

枳殼

川草薢

雄黃

石菖蒲

甘草

大楓子

防風

何首烏

烏藥

白僵蠶

半膝

苦參

皂角

各等分

白花蛇

一條去皮
骨酒浸炒

各為末酒糊丸桐子大每服三十九丸酒連下

回生奪命神丹

此方能治三十六瘋卞四癩有起死回生之妙

羌活

白蒺藜

藁木

天南星

防風

川續斷

蒼朮

五加皮

獨活

海風藤

白芷

大腹皮

烏藥

仙靈脾

防己

皂角刺

川烏

明天麻

結梗

北細辛

柴胡

蔓荆子

黃芩

川草薺

薄荷

甘松

白芍

大黃雨 絡三 紅花 元參各七

草烏四兩 苦參二觔

右用陰陽水各一大桶浸春五夏三秋七冬九

日煎百沸去渣加煉蜜一觔煎成膏如漆

白朮 胡麻 人參酒浸蒸熟晒乾

砂仁 礞石硝煨 麩仁去油各二兩

沉香 白茯苓 木香

檀香 降香 安息香

乳香去油 沒藥去油 川芎

牛膝

紅花

香蛇

酒浸焙乾

血竭

白僵蠶

松脂

煮去苦水

雲母石

冰片

鷺管石

磁石

肉蓯蓉

原蠶蛾

桑螵蛸

各一兩

蟬酥

麝香

各五錢

人牙

灸黃色五個

白花蛇

一條酒浸去皮晒乾

右為末用前藥膏其搗丸彈子大硃砂為衣金箔包裏年深久遠者服十丸四五年者服四五

丸一二年者服一二丸須麻姑酒磨下隨汗愈

丸一二年者服一二丸須麻姑酒磨下隨汗愈

東華玉髓

凡癰爛敗脫者非服此藥不能全愈

大楓肉

四兩

乳香

沒藥

血竭

各二兩

地龍

七錢

雄黃

五錢

珍珠

琥珀

冰片

各二錢

牛黃

二錢五分

阿膠

一錢

麝香

六分

右為末楓肉和勻每服一錢酒下如便閉加芒

硝內熱者柿餅湯內寒者花椒湯虛怯者人參

湯下

順氣搜風接命丹

滑石

牛膝

各一兩
五錢

大楓肉

八兩

荆芥 一兩

防風

川芎

當歸

赤芍藥

麻黃

各五錢

黑山梔

黃芩

連翹

白朮

甘草

薄荷

桔梗

全蝎

蟬蛻

羌活

獨活

胡麻

葛根

各六錢

石膏

八錢

人參

二錢五分

雄

黃

一分錢五分

木

香

七分五厘

麝

香

五分

右為末黃米酒煮糊丸桐子大每服五十九酒

下

蜚龍分師丸

白殭蠶

白花蛇

穿山甲

香蛇

蠶砂

全蝎

鹿角

炒各一兩

蜈蚣

蚣

五錢

蟬

蛻

二兩

右為末每服四分酒下若此藥加入各方內無

不取效

中丸

防風末每服胡黃連

陳皮

黃芩

天麻

升麻

山梔

荆芥

苦參

連翹

各一兩

牛蒡子

當歸

胡麻

皂角

白蒺藜

蔓荊子

各三兩

羌活

獨活

各一兩五錢

甘草

硃砂

白芷

各五錢

乳香

沒藥

麝香

冰片

各二錢

牛黃

一錢

右為末木糊丸每服三錢鹽湯送下

大癩瘋燻藥

硃砂

三錢

槐花

二錢

水銀

鉛皮

各一錢

銀硃

五分

先將鉛皮剪碎收入水銀和各藥為燻條每日

燻臍二次要喫飽口含清水頻頻吐換以愈為

度

雄漆丸

真漆

一兩入蟹黃五錢拌勻晒之漸漸去浮面上水

明雄黃

牙

皂

各五錢

和勻為丸不可見日陰乾每服三分酒下

神仙紫苑丸

白花蛇

用酒一碗浸一宿去皮骨晒乾再入酒內浸再晒以酒盡為度

甘草

石決明

各一兩

防風

羌活

細辛

川芎

赤芍藥

獨活

白蒺藜

蒼木

枇杷葉

白芷

苦參

五加皮

金銀花

天麻

牙早

各五錢

人參

當歸

各七錢五分

何首烏

荊芥

葳靈仙

各四錢

白附子

牛蒡子

草烏

石菖蒲

川烏

各二錢二分

蛇床子

麻黃

各二錢

木香

沉香

各二錢五分

乳香

沒藥

胡麻

各一錢

雄黃

辰砂

各五分

肉苁蓉

麝香

定風草

各一錢五分

右為末用大楓子二觔去殼搗碎酒扞入罐內
箬紙包口鍋內重湯煮一夜成膏入前藥末煉
蜜為丸桐子大每服百丸酒下

白玉蟾蜍遺方

治痲癢癱瘓爛攣腫痛危困者並大痲鷄瓜躑
曳蝮蠍冷痲等症如神

胡麻

牛膝

木瓜

山梔

黃栢

蒼木

天麻

五加皮

白蒺藜 各五兩

海風藤

羌活

苦參

當歸

各三兩

代赭石

醋煨七次

斷蛇

各一兩

蒼耳子

水

銀

麵包煨

硃

砂

各三錢

取新鮮大楓子肉二十四兩敲碎以水二十碗

煮至十碗瀘乾入石臼內杵爛入水銀硃砂代

赭蒼耳四味研至不見水銀星為度再將楓肉

汁打陳米糊丸每日卯午酉各服三錢或二錢

五分酒下

煎藥方

易醫大全

卷二十八

大痲瘋方

顧氏秘書

大楓肉 一筋

當歸

防風

荆芥

何首烏

升麻

羌活

獨活

葳靈仙

甘草 各四兩

苦參

藿香

天麻

細辛 各三兩

川芎

全蝎

血蝎

番木鱉 各一兩

右藥分作五十劑水煎服若紫雲瘋初起者加

大黃瀉之若痲瘋用酒隔湯煮下拘時温服

內府藥酒方

甘草

破故紙

蒼

米

各二錢

何首烏

人參

五加皮

草烏

肉蓯蓉

砂仁

白米

杏仁

當歸

川椒

各一錢七分

小茴香

牛白膠

虎骨

枳殼

半夏

香附

青皮

枸杞子

兔絲子

良薑

木香

厚樸

白扁豆

赤芍

陳皮

枳實

防風

生地黃

熟地

荊芥

天門冬

五味子

麥門冬

三稜

莪朮

檳榔

吳茱萸

桔梗

桑白皮

藁本

胡桃肉

紅棗

白糖

各五兩六錢七分

各一錢

去皮

去核

右用米燒酒白酒醱各六觔盛罈內以絹袋盛

藥掛罈內紮緊放鍋內重湯煮三炷香為度埋

土中七日出火毒每服用磁盃頓熱飲之

再造至寶丹

大楓肉去遍身風 白蒺藜去腸內風 防風去肌表風

苦參去足風 荆芥去皮毛風 胡麻去五臟風

當歸活血各一筋 天麻去麻木 黃連退熱冷風不用

烏藥遍身風 棕灰去惡血 雄黃去毒各五錢

海風藤去手足風 人參補氣各八兩 官桂去寒濕熱風不用

甘草各七兩 天竺黃 檀香根各二錢

麝香通諸竅

卷二十八 大痲瘋方 顧氏秘書

右為末 糊丸酒服

凡瘋症五臟各有所因五死有可治之法

肺經毒盛眉毛先落加零陵香皂角刺各二兩

肝經毒盛面起紫泡如何首烏五兩

腎經毒盛脚底先穿加血竭二兩

心經毒盛先損其目加珠屑一兩

脾經毒盛遍身瘡癬加蒼朮八兩

麻木不仁者冷風也加天麻蒂一兩

肉死割切不痛加霹靂二兩

血死則潰爛成膿加歸尾八兩

筋死則手足脫落加白殭蠶三兩

骨死則鼻梁崩塌加骨碎補三兩

凡五死兼見者大命已絕雖盧扁再生不能活

諸瘋初服開竅方

雄黃

天南星

半夏

川芎

草烏

明天麻

硃

砂

各等分

為末每服二錢酒下

四仙丹

治大癩等瘋三十六症如患者大肉已去者不

治

牛黃一錢菴木驚四十九枚去皮麻油一筋煎木

驚子三沉三浮以金色為度撈起放地上存性為

末加硃砂一錢雄黃一錢五分麝香五分研細蜜
丸如蘿蔔子大初日服一厘二日服二厘至十日
服一分十一日仍服一厘至一分止三白酒送下
宜清晨服忌風戒色慾暈腥要緊後服煎藥四五
劑全愈

大痲瘋神方

麻黃

開陽花

天

雄各一

紫背浮萍

二觔

當歸

歸

八兩

明天麻

羌活

防風

白芷

白米各二兩升麻枳殼

薄荷白殭蠶苦參

葳靈仙防己皂角針

白蒺藜大力子甘草

川黃連各一兩

用陰陽水者半日去渣熬成膏

沉香木香乳石香

沒藥人參各一兩蟬蛻

火龍雄黃各五錢麝香一錢

卷二十八 大痲瘋方 顧氏秘書

白花蛇一條酒浸去皮骨晒乾

右為末全前膏和合成餅如圍棋大每服一餅
火酒化開煮酒送下取出臭汗五六服愈

獨聖散

用淨漉片香十觔將桑柴灰濾汁一缸用汁煮片
香一百沸傾入清水缸內拔去苦水俟堅硬方止
復用灰汁約煮十餘次以苦瀝之味盡為度陰乾
研成極細末不拘其蠶俱可加服一日可服
七八錢之數服一料即愈切戒動氣房勞謹戒一

切動氣生濕有毒之物

牛黃搜風丸

大楓肉

去油淨
五兩

陳皮

當歸身

山梔

何首烏

黃芩

白芍藥

黃栢

五靈脂

熟地

白附子

川芎

皂角子

青皮

石膏蒲

烏藥

地骨皮

枳殼

北細辛

羌活

川草薺

獨活

連翹

前胡

藁

本各一兩

葳靈仙

苦參

白殭蠶

人參

白朮

防風

血竭

牛膝

各三兩

白芷

草烏

各五錢

木香

半

黃各三錢

香蛇

一條酒浸去骨炙

右為末米飯為丸桐子大每服七十丸清茶送

下若紫塊血瘋者加桃仁蘇木各二兩每服五

六日表汗一次忌牛羊猪雞鶩等有青及動風

菓品 遠酒色 戒憂如慎 寒暑

黃栢散

治手足皮枯破則如水窠或癢如疥癩併雁來

瘋

胡椒 五錢

黃栢 黃連 米二升

防風 各四錢

大楓肉 枯 各二錢

大茴香

花椒 各三錢

雄黃

硫黃 各五分

檳榔 二枚

斑貓 十個

潮腦 五分

為末臘猪油調搽如麻木者亦可擦其癢搔
破擦之則皮自然如舊矣

大癩瘋神方

肥鴨一隻餓一日用赤煉蛇一條切碎麻黃羌
活各四兩大附子二兩麝香一錢陳米二升俱
為細末好酒火酒各一碗拌勻作三四次與鴨
喫待鴨毛將落殺之用酒煮爛去骨

當歸

白花蛇

金銀花 各四兩

蛇蛻 一兩

土茯苓 半個

髮灰

伏龍肝 各五錢

右爲末和鴨搗勻加酒和九桐子大每服百丸
酒下半月自愈

保命九

苦參十兩 草胡麻 當歸

防風 蕪荑 白蒺藜 各五兩

大楓肉 薄荷葉 土木鱉

荆芥 各二兩 胡連 銀柴胡 各六兩

右爲末水法丸細茶下一日服四服約二今輕

者不過七八升重者一斗五升再重者二三斗

全愈

如身發多瘡或生濕毒通身如蛇皮或破流血

水者是脾經受毒加白朮十兩

如手足破傷麻木遍身發紫塊白癩癩滿身肉

痛此胃經受毒加厚樸十兩

如肩髮脫落遍身發瘡癩滿頭面上蠅虱痕此

肺家受毒加黃芩十兩

如面起紫泡身如紫雲朶四肢先見者乃肝屬

木而有此瘡也春二三月秋九十月各發一次

此肝經受毒加山梔連翹各一劬

如脚底先穿眼淚如珠流者遍身骨節刺痛又

發血癩如桃花朶者此心經受毒加黃連山梔

各一劬

如遍身起紫塊手足拳攣口眼歪斜此腎經受

毒加破故紙十兩

如五臟受病則藏於內不發於外多生冷疾手足如癱瘓軟狀者加蒼朮黃柏各八兩甘草四兩

五臟受風者加川續斷何首烏葳靈仙各半兩

遍身浮腫加乳香去油沒藥去油各四兩

骨節疼痛如虎骨三筋

如六腑受病如紫雲塊似核桃糕多內熱縮鼻出血筋脉弛長四肢無力行步艱難加葳靈仙川續斷各八兩何首烏一筋

人生此患各受一經兼二經三經者此方萬無一失若六經通遍五臟先露凶者不救也

春則地氣融和萬物發生加連翹二筋

夏則火旺煩躁加黃連二筋薄荷一筋
秋則霧露乍寒自熱加白朮一筋蒼朮二筋
冬則嚴寒地凍加烏藥二筋

秘授大痲瘋

番木鱉

一兩酥油潤三面火炙透黃不可焦研末

麻

黃

入兩大罐煎汁傾出再煎取汁二升復用支武火緩緩煎至黃色爲妙研末

每以製番木鱉末一兩加麻黃末一錢五分和

研入磁瓶封貯勿令洩氣春夏用二分秋冬用

四五分好酒調服以醉爲妙預掃空房一間四

圍勿令透風俱要遮好先用布衫一件青褲一

條以雞子清塗遍裏面令病人光穿二衣再將

綿被蓋之方服藥酒俟出臭汗方去被換衣看

衣上有蟲數合無蟲則風從汗解病出一半換

下衣襖掘一深潭埋之勿使人見以免傳染之
患如不汗透再服一服照前謹慎如法隨服大
補湯五劑看人老少厚薄病之遠近輕重不可
一例治之輕者一服追蟲發汗即愈重者次第
用藥治之百發百中

火龍丹

治蛇皮瘋脫根瘋魚鱗瘋漏蹄核桃瘋

大黃

辰砂

代赭石

醋炙

火龍

即死入蛆
橫死者佳

右爲末先用防風荆芥煎湯洗浴然後用熱酒
調服三錢被覆取汗毒從皮膚內逼出後用雄
黃硫黃代赭石花蕊石等分爲末香油調搽

利瘋丹 卽三生丹

治蛇皮瘋鱗癩瘋鼓毛瘋

番木鱉一味刀刮去皮毛入麻油內煎至焦黃色
爲度取出爲末大瘋發表用之每服一分臥時白
湯下須擇無風處出汗一月方可起身

奇效丸 卽苦參丸

治蛇皮瘋脫根瘋痿飽漏蹄冷瘋雁來瘋

苦參 六兩

白蒺藜

防

各風 各三兩

牛蒡子

胡麻

當歸

蕪木蛇

蔓荊子

各一兩

共為末大楓子肉三兩去油全飯糊丸桐子大

每服三十九熱酒送下

大消瘋散

治脫根魚鱗鶯掌飽癢瘋戟毛鷄爪瘋

防風

白蒺藜

荊芥

苦參

胡麻

黃芩

柴

胡

各十兩

麻

黃

入兩

乳

香

沒

藥

麝

香

各三錢

大楓肉

一劬去油

先用一料除去大楓肉乳香沒藥麝香勻為十

五劑水煎服後用全料不可見火晒燥為末酒

米煮糊為丸桐子大每服五十丸日三服酒送

下如病面上重加白芷海風籐蟬蛻各四兩升

麻五錢四肢重者加羌活獨活各四兩口眼歪

斜加白殭蠶四兩服此丸須用細辛蒼耳馬鞭

草煎湯洗浴避風取汗為妙

一粒金丹

治魚鱗刺瘋彈曳瘋

白膠香

二兩五錢

京墨

紫背浮萍

阿膠

各二兩五錢

五靈脂

草

烏炒各二兩

杏木鱉

五錢

當歸

乳香

沒藥

各七分五厘

地龍

麝香

各二分五厘

右為末用麻黃二兩煎汁煮大米飯為丸如龍

眼核大硃砂為衣酒送下如有黑汗從脚底心

出為驗

珍寶三生丹

治邪昧半肢軟癱瘓瘋

火麻仁

大黃

山萸肉

山藥

兔絲子

枳殼炒

檳榔

牛膝

都李仁

車前子

獨活

各三兩
五錢

右為末蜜丸桐子大每服百丸茶酒任下

風散

治邪昧壁泥髓肥蠱瘋水熱血瘋

薄荷

羌活

獨活

荆芥

各三錢

葛根

黃

栝

各七錢

苦參

五錢

牛蒡子

山

梔

何首烏

人參

各一錢

白

僵蠶

防風

白蘇皮

黃

連

蔓荊子

連

明

天麻

黃連

各五分

葳靈仙

白

蒺藜

各八分

全蠍

白芷

甘

草

仙靈脾

人虛五分

先用酒煎服二十劑後用水煎服服後飲酒盡
量至百劑四月之後病必全愈再照煎藥加十
倍爲末加乳香沒藥沉香血竭各一兩牛黃冰
片各一錢麝香三錢用苡仁米爲末酒煮糊丸
梔子大硃砂爲衣每服百丸溫酒下兼治辟泥

瘋

正陽丹

治血瘋驚掌血痺半肢軟癱癢瘋冷瘋蝦蟆瘋

苦

參

一筋酒漿薑治
各浸一夜晒乾

人

參

八兩酒
漿浸晒

日蒺藜

犀角

石楠枝

乳香

去油

沒藥

去油

紅花

各二兩

白殭蠶

炒一兩
五錢

甘草

五錢

右為末蜜丸桐子大每服四十九茶酒任下

日三服

小棗丹

治鷺掌癩瘋

防風

白殭蠶

荆芥

何首烏

全蝎

蔓荆子

羌活

牛蒡子

獨活

葳靈仙

黃芩

赤芍藥

生地

大楓肉

大黃

苦參

各二兩

薄荷

枸杞子

明天麻

天南星

各一兩

栝枝

山梔

各四兩

甘草

五錢

兩頭尖

重一錢一個

白朮 一觔

右為末棗肉丸桐子大每服六十九薄荷湯送

下

黑光湯

治鷺掌瘋

千里光

一大把

蒼木苗

一大把

朝東墻頭草

一小把

右三味同水入罐內絹帛包裹勿令洩氣煮百沸先用麝香擦患處後以藥熏之二三次即愈

鷺掌瘋

皂礬煨為末牛油調搽手火烘三四次即愈

又方

白酒漿塗手以栢枝燒火烘乾又塗又烘四五日

即好

神仙換骨丹

治鼓槌軟癰瘋

大黃

白芷

槐花

川芎

防風

乳香

沒藥

木香

沉香

蒼朮

二兩

草烏

半生

北細辛

苦參

各一兩
五錢

麝香

五分

紫背浮萍

三兩

右為末麻黃煎膏加兩蜜為九重二錢銖砂為

衣每服一九酒或葱

磨服

棗靈丹

治鼓槌白癩熱瘋

大楓肉

胡

各四
个雨

苦參

荆芥

風

海風藤

何首烏

芎藭子

各二
雨

桔梗

檳榔

兩頭尖

烏藥

白蒺藜

石膏

白僵蠶

消石

石菖蒲

甘草

明天麻

木通

甘枸杞

山梔

甘菊花

薄荷

天花粉

芒硝

葳靈仙

葶藶

廣木香

黃栢

車前子

羌活

陳皮

白朮

厚樸

柴胡

藁本

遠志

麻黃

蟬蛻

血竭

乳香

沒藥

青皮

胡黃連各一兩

川黃連

辛夷

花蕊石

麝香

梧桐淚

冰

片各五錢

牛黃一錢

右爲末棗肉丸菴豆大每服六七十丸春用淡湯夏用茶秋用鹽湯冬用酒服

獨聖散

治鼓椎瘋

川烏重八錢者一枚爲末每服二錢用葱頭七個

酒一碗煎濃服或者服一錢先用後乃洗浴然後服藥取汗切宜避風慎之

洗浴藥方

防風 馬鞭草 苦參

金銀花 荆芥 遍地香

紫蘇 天花粉 澤蘭

煎湯洗浴務須四圍週密不可透風要緊

治脫眉方

防風 荆芥 蟬蛻

白芷

明大麻

何首烏

羌活

各八兩

大黃

牛蒡子

各六兩

大楓肉

四兩

右爲末眼赤者加甘菊花一兩眼痛者減大楓

肉三兩加全蝎七錢蜜丸酒下

乳香搜風丸

治血痺飢飽痛瘋半肢戡毛泥壁水冷瘋漏蹄

雁來雞爪瘋

升麻

牛蒡子

胡荽麻

白蘚皮

連翹

菴蓂草

苦參

桑寄生

當歸

懷生地

秦嵐芫 規 蓮手 枸杞子

續 榔

何首烏

鱉 甲

凌霄花

全 胆 小 荳 天 麻 天 楓 肉

防 己

虎 脛 骨

陳 皮

牛 膝

甘 菊 花

紫 草

海 風 藤

木 瓜

杜 仲

甘 草

白 芷

薏 苡 仁

一兩 五錢

一兩 二錢

一兩 二錢 六兩

去油全 川烏煮

芝 蔴 二合

乳 香

三觔用河水添換煮四五次爲度 又用
用烏十兩搗碎煎汁一鉢入乳香煮至汁
乾爲度 再用防風石菖蒲荆芥蒼朮各
四兩煎汁一鉢入乳香煮至汁盡爲度
又用石菖蒲四觔搗汁一鉢入乳香煮乾
爲末每製乳香一觔配藥一斗

用鮮皂魚刺三觔搗碎水煎去渣熬成膏入前

藥搗丸桐子大初服一錢五分三日後服二錢

又三日服二錢五分再三日服三錢爲止服至

二十日伸指酸麻一月後容顏光潔服至百日

而愈

大定風丸

治痛瘋載毛歷節瘋

蒼

木

八兩

草

烏

三兩

杏

仁

川烏

白芷

半

夏

各四兩

右藥用生薑二觔葱一觔取汁拌勻以薑葱搗

一半鋪瓶底將藥裝瓶內瓶上又將搗一半蓋

上埋玉內春五夏三秋七冬九口取出晒乾為

末外加猴薑牛膝紅花末各二兩當歸草薺根

末各四兩酒糊為丸桐子大每服六十九茶酒

任下一日三服

麻黃飲

治痛瘋

石蠶

海風藤

秦艽

地蘇木

麻黃

五加皮

熟地

下山虎

各八錢

用酒一大壺煮一大炷香出火毒每次量情

溫服至第四日須任情一醉用後愈風湯洗浴

發表出汗一次汗後以粥補之再服數日又表

一次務要表三四次為妙切宜避風要緊

愈風

蒼朮米陳皮大蘇香甘入草

防風

皮山硝

苦參

羌活松

胡麻仁

素背葶萍

各等分

煎湯洗浴

芎朮丹

治痛瘋半肢軟癱泥壁瘋遍身風氣及東風起

身不得一服全愈

川芎

枳殼

甘草

白茯苓

桔梗

各三錢五分

烏藥

蒼朮

歲靈仙

陳皮

羌活

白芷

當歸

黃芩

蒼耳子

秦艽

白朮

杜仲

熟地

香附

海風藤

牛膝

木瓜

防風

紅花

苡仁

荆芥

各五錢

川烏

草

烏各一錢

白花蛇一寸

右藥用麻袋盛好放酒罈內封固隔湯煮半日

許候透埋土中一日夜出火毒每日不拘時飲

一茶盃服盡即好不用加減

四磨丹

治癩瘋癰洩瘋

開揚花

酒拌九蒸九晒

敗龜版

煨各三兩

蒼耳子

炒八兩

番木鱉

四十九粒酥煮三沉三浮為度

右各為末和勻入筒內卦當風處七月初服五

分三四日光分漸加至一錢空心熱酒調服

驅邪安神丸

治癩瘋半肢截毛歷節瘋

秦

桑寄生

不見火搗末

扶神

川續斷

酒炒

遠志

海風藤

蒼朮

去粗皮木泔浸

製半夏

各四兩

熟地

酒煮晒乾八兩

膽南星

防風

甘枸杞

酒薰

杜仲

鹽水炒

川萆薢

酒炒另搗

牛膝

酒炒

防己

各三兩

肉桂

川烏

童便製

湯醫方全

草

烏

製三 董便

黃栢

酒炒

甘

炙一 雨

何首烏

重一筋一枚者 黑豆煮晒

右為細木用鮮石菖蒲十觔去苗搗汁拌前藥

末不可太濕晒乾復磨為末煉蜜丸桐子大每

日二服白湯送下百丸

救苦回生丹

治半肢截毛塵節蠱瘋

乳香

及藥

川芎

各一兩 五錢

五靈脂

楓香

自然銅

醋

松脂

葳靈仙 各一兩

荆芥

苦參

白芷 各一兩

開揚花

蒸熟

地龍 去泥

虎骨 炙

天麻

全蝎

草烏

京墨

各五錢

黑豆 炒二合

紫荆皮

白殭蠶

各六錢

番木鱉 三十個

冰片 三分

麝香

五分

右為末米糊為丸龍眼大辰砂為衣金箔裹薄

荷湯磨服一丸昏迷而病愈婦人血暈經閉胎

衣不下炒黑葶淋酒磨服一丸神效

藤蓇散

治軟癱瘋並風氣攻冲遍身疼痛不能起床

蒼耳子

藤蓇草

胡桃肉

各二兩

金銀花

五加皮

地骨皮

防風

海風藤

各一兩

當歸

五錢

紅花

二錢

右用三白酒一壺將前藥用絹包好貯壺內隔

湯煮令透冷一日每空心服一鍾三四日後服

鍾半酒乾病愈

清氣飲

治紫雲瘋

麻黃去節

紫荊皮

荊芥

海風藤

防風

明天麻

羌活

桑白皮

辛夷

牛蒡子

檳榔各二兩

北細辛

桔梗

乳香

沒藥

升麻各一兩

白蘚皮

金銀花

牡丹皮

黃栢

生地

苦參 各四兩

大楓肉 去油

白芷 各三兩

右藥用火酒一大罍浸三日每飲一小盃不可
大醉終日勿絕酒氣服酒前先用後藥煎湯洗

浴

洗浴藥方

苦參

蛇床子

蒼朮

千里光

白芷

劉寄奴

大黃

香木鱉 搗碎

防風

白僵蠶

烏藥

白蘚皮 各等分

用水一桶煎去十分之三取湯洗浴必待汗出
而止切勿透風浴後飲藥酒溫睡至四五日後
又浴一次再五日後又浴一次酒到病除皮膚
顏色如故飲酒將半兼服大補氣血丸藥致勝
理固密永絕此患

護元丹

治乾瘋白癩瘋

防風

白蘇皮

麻黃

大楓肉

去汔

當歸

牡丹皮

山藥

兔絲子

牛膝

川續斷

黃栢

黃芪

各二兩

澤瀉

白茯苓

黃

廣桂枝

乳香

紫荊皮

沒藥

知母

白芷

荆芥

各一兩

熟地

四兩

胡麻

四合

右為末煉蜜丸桐子大先用愈風湯洗浴切忌

避風食後煖酒送下百丸即睡取汗隔五日取

汗一次三次即愈

小棗丹

治刺瘋

防風

白殭蠶

荆芥

何首烏

全蝎

蔓荆子

苦參

葳靈仙

黃芩

半蒺藜

八黃

赤芍藥

生地

大楓肉

羌活

獨活

各二兩

白朮

一觔

兩頭尖

重一錢

扁柏枝

山梔

各四兩

甘草

五錢

薄荷

甘枸杞

明天麻

天南星 各一兩

白木

雨煎

右為末棗肉為丸桐子大每服六十九薄荷湯

下

玉樞丹

...

...

治白癩癰瘋

...

...

苦參

當歸

元參

荆芥

蒼木

羌活

各八兩

烏藥

胡麻

藁本

蒼耳子

几苜

獨活

白芷

白蒺藜

防風

大楓肉

甘草

麻黃

紅花

牛蒡子

天麻

白僵蠶

琉璃

煨灰

海風藤

薄荷

元胡索

秋石

夏枯草

犀角

旱蓮草

虎骨

血蝎

柴胡

蘇木

蟬蛻

各二兩

牛黃

一錢

麝香 二錢

廣木香

沉香

檀香

乳香

沒藥

仙靈脾

各一兩
五錢

桑螵蛸

蕤仁

大黃

桔梗

貝母

烏藥

半

夏 各一兩

右為末將粗藥頭煎汁煮米糊丸桐子大硃砂為衣用黃芩大黃羌活獨活防已防風連翹黃栢桔梗荆芥當歸山梔木通甘草半夏紫蘇薄荷升麻川芎麻黃烏藥等味煎汁送下百丸或

酒下朝夕服避風要藥

冷瘋方

蒼斑香苳一斗胡桃肉四觔連殼敲碎火酒十觔
其入鑊內浸五七日每用一大鍾飯上蒸不時服

藥到病除

神效追瘋丸

治蝦蟇瘋熱疔瘡瘋

苦

參

六兩

大楓肉

四兩

荆

芥

二兩
五錢

麻黃

當歸

羌活

活

白米 各五錢

黃芩

白芍

川芎

白殭蠶

人參 正錢

白蒺藜

胡麻

防風 各一兩

乳香

沒藥

各二錢二分

麝香 四分

為末酒煮黃米糊丸桐子大每服五十九酒下

斑龍八師丹

治蝮蠅瘋

威靈仙

蒼朮

透骨草

川烏

草烏

各等分

為末每服三錢酒服取汗避風要緊

麻黃散

治漏蹄瘋

乳香

沒藥

黃栢

麻黃根

萬年灰

即陳石灰

水龍骨

各等分

右為末摻之貼夾紙膏收其毒水

治瘋爛瘡

枯礬

四兩

花板

三兩

蛇床子

二兩

白砒

硫黃

各一兩

生礬

五錢

研如泥猪油調搽患處

治瘡塊方

蒼耳子

大楓肉

硫黃

潮腦

雄黃

各二錢

用芝蔴一合炒黑和研如泥生布包藥擦之無

塊處不可擦

治瘋癲癩神方

顧玉書

防風

小青皮

打碎

直僵蠶

炒去絲

白蘚皮

羌活

各五分

鑽地風

當歸

刺蒺藜

各兩

荆芥

歲靈仙

蟬蛻

各二錢

製天麻

二錢五分

土荆皮

三錢五分

白芷

火酒五觔浸五日每日飲一二杯外用後方浸

酒搽之其癩白愈經驗多人

地黃根

八兩

荆芥

白鳳仙花

各四兩

木鱉子

公檳榔

各三十個

白砒

雄黃

潮腦

各一兩

白芷

白芨

各一兩五錢

沉香

研細二錢

麝香

一錢

母丁香 五錢

防風 六兩

火酒十筋共入罈內封固浸七日搽之

治癩奇方

土荆皮 一筋

白芨

尖檳榔 各四

白芨 各一兩

研細搽三天

土荆皮 一筋

白芨

尖檳榔

白芷

蛇麻子 各一兩

胡椒

枯白礬 各五錢

研細搽三天

土荆皮 一觔

白芨

尖攢榔

白芷

蛇床子 各一兩

胡椒

枯白礬 各五錢

白砒 三錢

麝香 一錢

研細搽三天以上三次計搽九日俱用好醋調

清晨搽上晚上以荳腐漿水洗去過夜次早又

搽必愈